

# Rom kimbi

## Polnön Rom yengöra kimbi alök.

### Jim-asa-asari

Jim-asa-asari Rom sitinön kopa malgetka urumelen kambuñi kambuñi yeñön sutñine simbisembel denđa malget. Juda tosattjan uruñini melenđa Juda ahakmemenön aka Kõna keunön qekõtahõba sileñini yandiba sömbup qahõ nemba malget. Kian kantrigö urumelen kambu yeñön Anutugö kalem möriamñi qekõtahõba Anutugö Kõna keu bapñe qahõ anda söngöröqök aka siñgisöndok amqeba akingö mötket. (6.15) Anutunön Juda kõnagesö öljä andö eñguba salupñine kian ambazip eñgoholi buñañi akeri, miañgöra söñgaiba ilit eñgiget. (11.18-20) Mewö aka Juda urumelen yeñön silikñini walñi mewöyök wuatañgögerañgöra aka jijiwilit ak eñgiba malget. Juda kambu yeñön kian kantrigö urumelen alaurupñini qepureim eñgiba Juda silikñini qahõ wuatañgögerañgöra aka keuñini töhöreñ jim tekõba söngöröqök aket. (2.17-20; 14.3)

Mindirim eñgimamgöra Polnön kambu yahöt yeñgöra goro keu nanñök nanñök eñgimakza. Juda yeñgö kõnañini indeliga (2.21-27) kian kantri yeñön söñgaiget. Keu bohonñi kewö jiyök, ‘Jisös möt nariinga Anutunön mötnaripñini eka keunini jim tekõiga solanibin. Kõna murutñi kun qahõ ahõza.’ (1.17) Kian kantri ambazip söngöröqökñini qekõmapkõra kõnañini indela kewö jiyök: “Anutunön nanñini ölpñinañgöra aka qahöpmö, nanñi ak-kõmukõmuñañgöra aka iñini möwölöhöm eñgiyök. (11.30-32) Miañgöra mönõ kapañ köla Kõna keu tem köla malme. (7.12-24) Körekmakõrek siñgisöndokö kõsö gwarönñi mala ayuhubingö akzinmö, (3.23; 5.12) Anutunön nanñi irimsesewölñan etmapkõra aka Kraist melaiyök. (5.8-9) Uñja Töröñan meköba siñgisöndok aka kõmupkö kukõsumnöhök pösat neñgima. Miañgöra siñgisöndok ahakmeme mosõta (6.11-14) mindiriba jöpaköm añguba kopa yeñgö sutñine kopa tandök kude malme.” Goro mewö eñgiiga ösöñösöñ tem köla mindiriba malget. Polnön nalö mutukñi Rom ani nañgöm wañgigetka toroqeba Spein kantrinön anmamgö möta mewö ohoyök.

### Buk kĩañgö bahõñi bohonñi 7 mi kewö:

Jim asa-asari keu aka keu bohonñi *1.1-17*

Kõreknan siñgisöndokö amõtqeqegöra osizin *1.18-3.20*

Anutunöŋ amöt qem neŋgimakzawaŋgö könäŋi 3.21–4.25  
 Kraistpuk malmal dölökŋaŋgö könäŋi 5.1–8.39  
 Israel yeŋön Anutugö mötmöt areŋnön malje 9.1–11.36  
 Urumeleŋ neŋgö silik ahakmemegö keu 12.1–15.13  
 Keu teteköŋi aka nanŋi yaizökzök keuŋi 15.14–16.27

**1** <sup>1</sup>Pol ni Jisös Kraistkö nup meme azia aka Rom urumeleŋ ambazip embuk keu eraum mötpingöra kaba kimbi ohozal. Anutunöŋ noholiga melaimelai azi aposol akzal. Anutunöŋ Ölöwak Buŋaŋi jim sehimamgöra möwölöhöm niŋgiiga maljal.

<sup>2</sup>Anutunöŋ oyaekoyaek akingö Ölöwak Buŋaŋi indelmapkö keuŋi mi qeljiŋe jöhöba jiiga kezapqetok ambazipnön möta Buŋa Kimbi töröŋi miaŋgöreŋ ohogetka ahöza. <sup>3</sup>Ölöwak Buŋagö könäŋi mi nanŋi nahönŋi Jisös Kraist. Yaŋön gölme azi ewö kiŋ Deiwidkö gwölönarökurupŋi yeŋgöreŋök asuhuyök.

<sup>4</sup>Suep azi ewö Uŋaŋan solanŋi töröŋi ahök. Anutunöŋ i mem guliiga kömupnöhök wahöriga kukösumŋan aukŋe asuhuyök. Anutunöŋ mewö miaŋön nanŋi Nahönŋi akzawaŋgö keuŋi mi jim köhöiba kuŋgum waŋgiyök. Kembuninaŋgö könäŋi mewö. <sup>5</sup>Kraistnön nupkö öŋi kewö asuhumapköra mörök: Neŋön kian kantriŋi kantriŋi liliköba Jisösgö qetŋi sutŋine jim sehiinga möta uruŋini meleŋda möt narim waŋgiba keuŋi tem köla malme. Miaŋgöra aposol nupŋi aka kalem möriamŋi mi neŋgiiga memba maljin. <sup>6</sup>Anutunöŋ ambazip Jisös Kraistkö buŋaya aka malmegöra eŋgoholöhi, Rom iŋini mewöyök yeŋgö sutŋine malje.

<sup>7</sup>Uruŋini meleŋda Rom sitinöŋ maljei, nöŋön körek eŋgöra kimbi ki ohozal. Anutunöŋ iŋini nanŋi ambazip sarakŋi malmegöra eŋgohola jöpaköm eŋgimakza. Anutu Iwinini aka Kembu Jisös Kraist yetköŋ mönö kalem möriam eŋgiyohotka luainöŋ malme. Mewö köulukömakzal.

#### **Polnöŋ Anutu möpöseiba kewö köuluköyök:**

<sup>8</sup>Gölmeŋi gölmeŋi pakpak yeŋön Rom eŋgö mötnaripŋinaŋgö kösohotŋi jigetka mörakzal. Miaŋgöra keuni könahiba Jisös Kraistnön nam köŋ niŋgiiga körek eŋgöra aka Anutuni saiwap jimakzal. <sup>9</sup>Nöŋön mötmöt sihimni pakpak Anutugö nupnön ala welenŋi qeba Nahönŋaŋgö Ölöwak Buŋaŋi jim asarimakzal. Miaŋgöreŋ sundan iŋini mötmörim eŋgimakzali, mi Anutunöŋ naŋgöba jimakza.

<sup>10</sup>Nalö dop kewö jiba köulukömakzal, “O Anutu, nöŋön Rom yeŋgöreŋ anmamgö möta nalö köröpŋi lök mambötzal. Miaŋgöra mönö sihimgahö dop jinöŋga köna asuhuiga nalö kewöŋe ölöp anmam.” Mewö. <sup>11</sup>Eŋgeka mötnaripŋinan köhöimapköra möta ölöp nup memegö mötmöt kalem kun eŋgimam. Miaŋgöra nalö mutukŋa eŋgöreŋ kaba eŋgekŋamgö awöweŋgöba maljal. <sup>12</sup>Kewö akingö awöweŋgömakzal: Nöŋön eŋgekiga

mutulangöba ni aka iḡini denöwö möt narimakzini, mi eraum möta urunöḡ nanḡgöba körö-ölöwak qem aḡgubin.

<sup>13</sup> <sup>c</sup>O urumeleḡ alaurupni, iḡini mönö kewö mötmöriba malme: Nöḡön kian kantri tosatḡi yeḡḡö sutḡine liliköba uruḡini kuḡgum eḡgibiga meleḡeri, miaḡḡö dop eḡḡö sutḡine mewöyök ölnḡ asuhui ekḡamḡö mötzal. Miaḡḡöra nalö gwötpuk lök eḡḡöreḡ kusuk kamamḡö areḡi ala malalmö, yuai tosatḡan mönö nalöḡi nalöḡi jöhöm niḡḡiiga osial. <sup>14</sup> Anutugö jeḡe tosa kewö ahöm niḡḡiza: Ambazip kambu könāḡi könāḡi bauköm eḡḡimamaḡḡö keuḡan mönö nöḡḡö qakne ahöza. Mötmöt ambazip aka gukmaulem ambazip mieḡḡö welenqeqeḡini öröröḡ akzal. Mindimindiri keu Griḡ mötzei aka qandam<sup>b</sup> mala nanḡini keuḡine irohowaroho jimakzei, mi körek bauköm eḡḡimamḡö mötzal. <sup>15</sup> Mewö möta Ölöwak Buḡa mi Rom siti eḡḡöra mewöyök jim asarimamḡö amqeba urukönöp ahakzal. Mewö.

### **Ölöwak Buḡaḡö kukösumḡi kewö:**

<sup>16</sup> <sup>c</sup>Anutugö kukösumḡan nini körek mem letot neḡḡiiga nalö kewöḡe Suepkö buḡaya akzin. Juda neḡön mutuk urunini meleḡda mi möt nariin aka neḡḡö andönine kantri tosatḡi yeḡḡön mewöyök mi möt nariget. Miaḡḡöra Anutunöḡ kukösumḡi Ölöwak Buḡanöḡ ali ahözawaḡḡöra mi algamusum qahö ahakzal. <sup>17</sup> <sup>d</sup>Ölöwak Buḡanöḡ mönö solanḡi akingö könāḡi indelakza. Buḡa keu kun kewö ohoget ahöza, “Solanḡi akzawi, yaḡön mönö Anutu möt nariba mewö miaḡön köhöiba mal öḡḡöma. Keu miaḡḡö könāḡi kewö: Nini Anutu könahiba möt nariinga mötnaripnini eka keunini jim teköiga solaniin aka gölmenöḡ malbinanḡö dop toroqeba möt narim waḡḡiba jeḡe solanimakin.” Mewö.

### **Neḡḡö siḡḡisöndoköra Anutugö irimḡan seholidmakza.**

<sup>18</sup> Ölop solanibinakmö, ambazip keu ölnḡ ahakmemeḡinan közaḡḡöba siksauk memakzei, Anutunöḡ mi Suepnöḡ euyay-göreḡök uba ehi qahö dop köliga irimḡi seholidmakza. Ambazip mewöḡi pakpak eḡḡeka aḡḡöjörakḡini qetala silikḡini bölöḡaḡḡöra aka kazikḡi indeli asuhumakza. <sup>19</sup> Mi kewögöra: Anutugö könāḡi möt kutubināḡḡö dop akzawi, mi mönö nanḡak indel eḡḡiiga sutnine aukḡeyök ahöiga mörakze.

<sup>20</sup> Anutugö malmalḡi qahö ehakzinmö, kukösumḡi mi Suep gölme miwikḡaim etkiba miaḡḡöreḡök könahiba kondela mala koriga nalö teteköḡi qahö asuhumakza. Miaḡḡöra Anutugö börösöwöḡi törörök

<sup>a</sup> 1.13 Apo 19.21    <sup>b</sup> 1.14 Qandam, Siawari imbinöḡ qandak, Nei keunöḡ bus kanaka, ambazip arökḡe nanḡinök töḡpin mala mötmöt miriḡini qahö gukmaulemnöḡ malget.

<sup>c</sup> 1.16 Mak 8.38    <sup>d</sup> 1.17 Hab 2.4

ehinga bem aködamunꞡambuk akzawaꞡgö könaꞡan mönö ölop möt kutubinaꞡgö dop akza. Mianꞡgöra ambazipnön yuai kunön möndöba nanꞡine keuꞡinaꝼgö likepꝼni nanꝼgöba jibingö osimakze. <sup>21</sup> eAnutugö könaꝼni möt kutuba malgetmö, töndup “Yaꝼnön bemnina,” mewö qahö jiba i qahö möpöseigetka qetbuꝼaꝼni sutꝼine qahö ahöyök. Mewö qahö ahöyökmö, keu omani laꝼlaꝼ mötmörigetka mötmötꝼinan löwöriiga mötök aket. Uru mötkutukutuꝼini qahö mianꝼnön mönö ömuꝼ köla pandaman meiga jipjap malje. Mianꝼgöra “Anutugö könaꝼni qahö mötzin,” jiba möndömöndö laꝼ aketka qahö dop kölja.

<sup>22</sup> “Mötkutukutu ambazip maljin,” jiba sileꝼini memba öꝼgöba malgetmö, mewö mianꝼnön uruqahö ambazip akze. <sup>23</sup> fAnutu qetbuꝼaꝼni asakmararaꝼambuk nalö teteköꝼni qahö mal öꝼgömawi, i qahö möpöseiba waikꝼni qahö memba malgetmö, i mosöta salupꝼe tandö lopion aka imut tosatꝼni kunguget. Tandö lopion söhögetka kaisongolomꝼinan azi kömukömuꝼaꝼgö dop akze. Imut tosatꝼni megetka nei sömbup aka gölmenön bapꝼinan köla ölölöꝼgömakzei, miengö dop akze. Yeꝼnön mi sipköba bem ewö möpöseim engiba malget.

<sup>24</sup> Mewö aka malgeraꝼgöra Anutunön i andö enguiga nanꝼini uruꝼinaꝼgö sihim kömbönaꝼini laꝼ wuatangaöba serowilin aka nanꝼini sileꝼini gamu qeba mem et al aꝼguba malje. <sup>25</sup> Anutugö keu ölni mosöta salupꝼe keu muneꝼni qekötahöget. Miwimiwikꝼai Tonj ölna qahö göda qeba welenꝼni qahö qeba malgetmö, yuai miwikꝼaiyöhi me nanꝼini böröninan megeri, mianꝼgö sihimꝼni asuhui möta börösöwö miengö waikꝼini memba möpöseim engiba malget. Mewö malgetmö, neꝼnön miwimiwikꝼai Tonini mi nalö teteköꝼni qahö möpöseimakin. Keu mi ölna.

<sup>26</sup> Mewö aka malgeraꝼgöra Anutunön i andö enguiga nanꝼini sihim kömböna괁ini gamu괁ambuk mi la괁 wuatangaöba kewö aket: Ye괁gö ambiurup괁inan awanöm köna di괁di괁ni mosöta nan괁inak melen괁da amimba malget. <sup>27</sup> Azi ye괁nön mewöyök ambibuk amimba malmal mosöta go괁giget. Kaisero akitkö sihim kömböna괁ini mi azi sut괁ine öröm a괁guba mötketka könöp괁ambuk aiga nan괁inak melen괁da amimba a괁göjörak괁inambuk aka malget. Go괁giba jaubatbat malgera괁gö likep괁ni mi Anutunön dop괁ine melen괁 engiiga qak괁ine ö괁göiga böliget.

<sup>28</sup> Anutugö köna괁ni möt kutubingöra mötketka eret괁i aiga mosötketka Anutunön mönö mewö괁anök i andö enguiga nan괁ini mötmöt괁ini go괁go괁an galöm köl engiiga ahakmeme gamu괁ambuk aka memba malget. <sup>29</sup> Ahakmeme go괁go괁ni aka silik bölö괁ni köna괁ni köna괁ni mian괁nön uru괁ini kokolak qeiga kewö ahakze: Yuaigö nepaqepalok membagan membingö köpösö괁göba isimkakalek ahakze. Tosat괁ni ye괁göre괁 yuaigöra köro괁gisigisi ahakze. Ambazip enguget kömumakze. A괁gururuk aka

<sup>e</sup> 1.21 Ef 4.17-18    <sup>f</sup> 1.23 Dut 4.16-18

tosatji tilipköm engimakze. Ambazip tosatji jiliwitiŋ qakŋe bölöŋi ak engibingö mörakze. Keu ambazip kezapŋine saŋep alget geiga diwoŋdawoŋ anakza.

<sup>30</sup>Andöqeŋe keu jimakze. Anutugö yom jimakze. Silik bölöŋi könöpŋambuk tem köla wuatangömakze. Jakbak-öraŋböraŋ aka sileŋjini memba wahörakze. Silenöŋ alal aka silik bölöŋi murutji murutji miwikŋaimakze. Iwinam keuŋjini qahö tem kölakze.

<sup>31</sup>Mötmötŋjini qahö tohoiga uruqahö mala keu laŋ jöhöba qahö wuatangömakze. Ala-ala qahö aka tosatji yeŋgöra wösömötmöt qahö ak engimakze. <sup>32</sup>Anutunöŋ köna diŋdiŋi kewö jim kutui ahöza: Ambazip bölöŋi mewöŋi ahakzei, yeŋön mönö kömup köhöikŋangö buŋaya akŋeangö dop akze. Yeŋön jimkutukutu mi möt asarizemö, töndup nanŋinak bölöŋi mi ahakze aka miyök qahöpmö, tosatŋan mewö aketka “Ölöp!” jiba imbi köla nangöm engimakze. Mewö.

### Anutunöŋ keunini kewöta diŋdiŋanök jim tekömakza.

**2** <sup>1</sup>o alani, gi tosatji yeŋgö keuŋjini jim tekömakzan me qahö? Gi tosatji yeŋgö keuŋjini jim teköba nangak ahakmeme miyöhök ahakzan. Miangöra alagahö keuŋi kun jim teközan ewö, mönö nangahö keu mewöyök jim tekönöŋga miangö lömbötŋan nangi qake öŋgöma. Miangöra öŋgöŋgöŋi me eretŋi akzani, mi töndup mönö yuai kunöŋ möndöba nangahö keugö likepŋi nangöba jimangö osimakzan. <sup>2</sup>Ambazip ahakmeme bölöŋi mewöŋi ahakzei, Anutunöŋ yeŋgö keuŋjini keu öŋŋangö dop kewöta jim tekömakza, mi mötzin.

<sup>3</sup>Miangöra denöwö mötmörizan? Gi gölme azia aka töndup yuai mewöŋi ahakzei, yeŋgö keuŋjini jim teköba nangak ahakmeme miyöhök aknöŋga dop kölja me qahö? Anutunöŋ keugi kewöta jim teköba likepŋi meŋeŋ gihiiga öŋga göhö qake öŋgöma. Anutugöra jeŋe qahö mömölaköba asambötman.

<sup>4</sup>Anutunöŋ ala ak neŋgiba bölöŋamninangö likepŋi zilaŋ qahö meŋeŋmapmö, mamböta möta mökösoŋmakzawi, keu miangöra jijiwilit akzan me? Anutunöŋ uruölöpŋi kondela urugi meŋeŋ-mangöra öröm gihimakzawi, miangöra tönpin malbanbuk. <sup>5</sup>Gi kezapjupjup aka urugi qahö meŋeŋmani, mewö miangön Anutugö jeŋe qahö mömölakömanmö, irimsesewölŋan göhö qake sehiba öŋgöma. Kazik nalöŋan kam kuŋguiga keunini diŋdiŋanök jim teköma. Likepŋi meŋeŋ neŋgimawi, nalö miangöreŋ irimsesewölŋi mönö aukŋe indeliga eka mötpin.

<sup>6</sup><sup>h</sup>Anutunöŋ mönö “Ahakmemeninangö dop mohot mohot neŋgöra likepŋi meŋeŋ neŋgimawi,” mi kewö: <sup>7</sup>Anutunöŋ qetbuŋaŋi neŋgimapköra mamböta aködamuninambuk akingöra kapaŋ köla pöndaŋ kinda nup

<sup>s</sup> 2.1 Mat 7.1; Luk 6.37 <sup>h</sup> 2.6 Sum 62.12; Qam 24.12

ölöpŋi ölöpŋi memba maljini, neŋgöra malmal köhöikŋi neŋgima. Mi neŋgiiga nalö teteköŋi qahö oyaenŋkoyaen mal öngöbin. <sup>8</sup>Mewö mal öngöbinmö, ambazip nanŋinaŋgörök mötmöriba girinjabak memba Buŋa keu ölni andö qeba keu bölöŋi wuataŋgömakzei, Anutugö irimŋan mönö miaŋgöra seholiiga kazikŋi ali qakŋine öngöma. <sup>9</sup>Kazikŋi mi mutuk Juda neŋgö qakŋine öngöiga neŋgö andönine kantri tosatŋi aiaka bölöŋi ahakzei, körek yeŋgö qakŋine mewöyök öngöiga sihimbölö kahasililin möta malme.

<sup>10</sup>Mewö malmemö, Juda aka neŋgö andönine kantri tosatŋan mewöyök urunini meleŋda aiaka ölöpŋi ahakzini, Anutugö aködamunŋan mönö körek neŋgö qakŋine öngöiga qetbuŋa neŋgiiga luainöŋ malbin. <sup>11</sup><sup>i</sup>Anutunöŋ ambazip tosatŋi qahö neŋgek soriba tosatŋi qahö qepureim eŋgimakzapmö, dop mohotnöŋ kewöt neŋgimakza.

<sup>12</sup>Miaŋgö könaŋi kewö: Kantri tosatŋi yeŋön Anutugöreŋ Köna keu qahö oyoŋda möta siŋgisöndok laŋ ahakzei, yeŋön mönö körekŋanök tönpin mala ayuhume. Juda neŋön Anutugöreŋ Köna keu oyoŋda möta töndup siŋgisöndok ahakzini, Anutunöŋ mönö keu miaŋgö dop körek kewöt neŋgiba keunini jim teköma. <sup>13</sup>Ambazip Anutugöreŋ Köna keu öne mörakzei, yeŋön Anutugö jeŋe solanŋi qahö akze. Qahöpmö, Köna keu tem köla wuataŋ-gömakzei, Anutunöŋ mönö yeŋgö keuŋini jim teköiga solanize. <sup>14</sup>Kantri tosatŋan Anutugöreŋ Köna keu qahö memba maljemö, tosatŋan töndup laŋ nanŋini imbi miaŋgö dop mötmöriba ahakze. Anutugö köna keuŋi qahö mötzmö, töndup mötmötŋinan jim kutum eŋgiiga Anutugö köna keugö dop aka miaŋgö bapŋe malje.

<sup>15</sup>Mewö maljeaŋgö könaŋi mi aukŋe asuhuba kewö ahöza: Anutunöŋ ambazip miwikŋaim neŋgiba miaŋgöreŋ Köna keuŋaŋgö jimkutukutuŋi mi körek neŋgö urunine ali ahöza. Miaŋgöra Anutunöŋ keuŋi jiba saŋep alakzawi, mi kian kantri yeŋön mewöyök mörakze. Mi uruŋinaŋgö kezapŋan mötketka keuŋini jiiga Anutubuk öröröŋ mörakze. Anutunöŋ urumötmöt eŋgiyöhi, miaŋön nalö tosatŋe keu jakeŋe ala kuŋgum eŋgiiga möt bölimahakze aka nalö tosatŋe keuŋini naŋgöba jiiga möt ölöwahakze. <sup>16</sup>Ölöwak Buŋa jim asarimakzali, miaŋgö dop nalö ketaeŋ kewö asuhuma: Kraist Jisösnöŋ Anutu bauköm waŋgiiga ambazip neŋgöreŋ keu tölapŋi tölapŋi kewöta jim teköm neŋgima. Mewö.

### **Köna keu miaŋön könaŋamnini denöwö indelja?**

<sup>17</sup>Gi nangi qetki Juda azia qeta Köna keunöŋ amöt qem gihimapkö möt nariba “Anutugö buŋaya akzal,” jiba silegi möpöseinöŋga dop kölja me qahö? <sup>18</sup>Gi Anutugö jitŋaŋgö dop malmalgö keuŋi möt sölöngöba maljan. Anutugö Köna keu kusum gihigeranŋöra aka köna

<sup>i</sup> 2.11 Dut 10.17

qetpuk sorok wuatangömamgö jiba keu pakpak kewöta ölni aka munenji mendermakzan. <sup>19</sup>Gi “Ölöp jegömöl ambazip alabaukñini aka enguangitmam,” jiba aiweliköm angumakzan. Söjnapnönj maljei, mi mem asarim engimananğö dop awösamkakak akzan.

<sup>20</sup>Mewö aka kewö jimakzan, “Köna keu kusum ningigetka mötkutukutu lök miwikñaiba keu ölnangö könanji mötzal.” Mewö jiba amqeba kewö jimakzan, “Ni ölöp ambazip mötmötñini qahö yeğgö böhiñina akñam. Ölöp mönö namande yeğgö qaqazuñina aka kusum engimakñam.” <sup>21</sup>Mewö jiba tosatñi kusum engiba wuanöngöra nangi qahö kusum angumakzan? “Yonğorö kude meman,” jiba ambazip uruñini kuñgum engimakzanmö, nangak yonğorö meme aknönğa qahö dop kölja.

<sup>22</sup>“Sero yonğorö kude akñan,” mewö jinönj mötketka nangak kaisero akzan me qahö? Tandö lopionj sisit mem engimakzanmö, töndup nangak jöwöwöl jikenönj öngöba yuainji angön köla kiom qeba memakzan. Mi qahö dop kölja.

<sup>23</sup>Anutugöreñ Köna keubuk maljanangöra silegi lañ memba öngömakzanmö, nangak mi walönđa mewö mianjön Anutugö qetbuñaji memba et ala malnönğa gamuñambuk ahakza. <sup>24</sup>Miangö keuñi mi Buña Kimbinönj kewö ohoget ahöza, “Engö silikñinanğöra aka kian kantri könagesö yeñön Anutugö qetñi ilita sutñine mepaqepaik ahakze.”

<sup>25</sup>Anutugöreñ Köna keu wuatangöba maljan ewö, Anutugö aiwesökñi silege yandigeri, mianjön mönö bauköm ghiiga dop kölja. Mi dop köljamö, köna keu walönđa siñgisöndok ahakzan ewö, mönö aiwesöki qahö memenji mewö tandök aka öne lañ maljan. <sup>26</sup>Tosatñan Anutugö aiwesökñi sileñine qahö yandigetka töndup köna keugö jimkutukutuñi wuatangömakze ewö, Anutunönj aiwesök mi sileñine ahözawañğö dop ewö engehiga dop kölja.

<sup>27</sup>Mewö engehiga yeğgöreñök kunñan ölöp Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt angön köla maljanmö, mi walönđa siñgisöndok ahakanangöra aka etman. <sup>28</sup>Azi kunñan silenöhök Juda azia akza ewö, yañön mönö Juda azi ölni qahö akza. Mewöyök Anutugö aiwesökñi sileñeyök yandigetka yañgiseñ ahakze ewö, mi mönö aiwesök omanji, ölni qahö.

<sup>29</sup><sup>k</sup>Ölni qahöpmö, azi kun uruñan Juda azia akzawi, yañön mönö Juda azi ölni akza. Mewöñanök Anutunönj urunini qesönđa Uñaji Törönji miangöreñ ali maljawı, mianjön mönö aiwesök ölni akza. Köna keugö bohonñi wuatangöba azi sileñi yandigetka gölme ambazipnönj mötketka öngömakzapmö, Anutunönj aiwesökñi urunine kinjawangöra möri öngöi möpöseim neñgimakza. Mewö.

<sup>j</sup> 2.24 Ais 52.5    <sup>k</sup> 2.29 Dut 30.6

### Anutunöŋ keuŋi pöndaŋ wuatangömakza.

**3** <sup>1</sup>Mewö ahöiga Juda ambazip maljini, miaŋön mönö denöwö bauköm neŋgibawak? Anutugö aiwesökŋi silenine yandigeri, miaŋgö ölnan mönö denöwö ahum neŋgiza? <sup>2</sup>Ölnan mönö malmal pakpak miaŋgöreŋ gwötpuk ahuba ölna bauköm neŋgimakza. Miaŋgö keuŋi mutukŋi kewö: Anutunöŋ Buŋa keuŋi neŋgiiga buŋanina aiga maljin.

<sup>3</sup>Mewö maljinmö, neŋgöreŋök tosatŋan Anutu qahö möt narim wangiba malgetka denöwö ak eŋgima? Yangiseŋ malgeraŋgö likepŋi meleŋda mönö denöwö ak neŋgima? Urukalemŋi jöhöba aŋgön köliga omaŋi akŋa me denöwö? <sup>4</sup>!Mi qahöpmahöp! Nini körek pakpak muneŋ ambazip akzinmö, Anutunöŋ öl töhöŋŋi akza. Anutugö könaŋi mi Buŋa Kimbinöŋ kewö ohoget ahöza,

“Keu jakeŋe ala qesim gihigetka keugahö likepŋi jim asariba miaŋgöreŋ diŋdini aka luhut al eŋgiba kinman. Göhö könaŋamgi mewö miwikŋaiba naŋgöba jime.”

<sup>5</sup>Neŋön ahakmeme goŋgoŋi wuatangöinga Anutunöŋ qindinaim neŋgiiga ahakmemeŋi diŋdina mewö aukŋe asuhuza ewö, neŋön keu miaŋgöra mönö denöwö jibinak? Ni keu mi gölme ambazip mötmötkö dop kewö jizal: Anutunöŋ likepŋi meleŋniga irimesewölŋan qaknine öŋgözawi, yaŋgö mötmötŋan mewö goŋgiza me qahö? <sup>6</sup>Qahö, mi yapmakek! Anutunöŋ goŋgoŋi akawak ewö, yaŋön gölmeŋi gölmeŋi neŋgö keunini mönö denöwö kewöta törörök jim teköbawak?

<sup>7</sup>Nöŋön muneŋ azia akiga Anutunöŋ keuŋi ölnan qindinaim niŋgiiga yaŋgö qetbuŋaŋan mewö aukŋe asuhum tiŋgitza. Mewö aiga nöŋön siŋgisöndok ahali, Anutunöŋ miaŋgö keuŋi mönö denöwögöra jim teköza? Nömosöri nani imbi-imbi malbi dop kölbawak me qahö? Keuŋan mönö qahö löwöriba etma. <sup>8</sup>Mönö kewö jiinga dop kölbawak, “Nini ölöp bölöŋi toroqeba ahinga Anutunöŋ mi qindinaiaiga ölöpŋangö ölnan asuhuiga keuŋan qetbuŋaŋambuk akŋa.” Tosatŋan neŋgöra keu sirongen mewö jiba toroqeba kewö jimakze, “Polnöŋ keu mewö jiba miaŋgö dop laŋ ahakza.” Mewö aka jigerangö keuŋi mi Anutunöŋ kewöta dopŋine jim teköm eŋgima, mötzal. Mewö.

### Ambazip kunŋan solanŋi qahö akza.

<sup>9</sup>Keu mewö eraum möta mi denöwö jim teköbinak? Juda neŋön kantri tosatŋi eŋgoŋgita Anutugö jeŋe diŋdini akzin me qahö? Saumbanj! Miaŋgö keuŋi lök qeljiŋe kewö jim köhöinin: Juda me kantri tosatŋi akinak, nini körekmakörek siŋgisöndok ahinga köpeim neŋgiiga maljin.

<sup>1</sup> 3.4 Sum 51.4



Miaŋgöra silenini memba öngöbingö osimakzin. <sup>10</sup> <sup>m</sup>Miaŋgö keunji mi Buŋa Kimbinöŋ kewö ohoget ahöza,

“Kunŋan kun solanŋi diŋdiŋi qahö kötökŋi akza.

11 Kungö uruŋe mötmöt qahö ahum kutui laŋ malje. Kunŋan kun Anutu miwikŋaimamgö qahö kapanŋ kölakza.

12 Qahöpmö, körekŋan mönö köna oŋgita jaŋjuŋ aka malje. Körekmakökerekŋan mönö böliba Anutugö jeŋe aŋgöjörakŋinambuk akze. Ölöŋŋi ahakzawi, mohot-töwa kun mi qahöpmahöp miwikŋaizal.

13 <sup>n</sup>Nesilamŋinan isimkakalek ahakze.

Jöl ginaginaniŋan qaksirigö löm ewö aŋaŋiba kiniga kömupkö qösösökŋi ewö miaŋön ambazip laŋ ayuhum eŋgimakze.

Keu bölöŋi mi qatögö jitŋi möröm warabe ewö numbuŋine kokolak qeba ahöiga jitŋinan ambazip laŋ eŋgöhömakze.

14 <sup>o</sup>Sait keu kömbukŋambuknöŋ mönö numbuŋini kokolak qeiŋa ambazip laŋ qesuahöm eŋgimakze.

15 <sup>p</sup>Ambazip laŋ eŋguba sepŋini mokomegöra könaŋinan kik-kek ösumok anda kamakze.

16 Könaŋini goŋgii maljeaŋgö aiwesökŋini kewö akza: Denike lilikömakzei, miaŋgöreŋ mönö köndeŋ-möndeŋ agetka ambazip uruŋinan böliba kömbuhi-makza.

17 Luainöŋ malmalgö könaŋi mi qahö möt kutum yaköze.

18 <sup>q</sup>Anutu göda qebingö keunji mi uruŋine qahö ahöza. Jitŋi oŋgitpinbuköra keŋgötŋini qahö möta önewat laŋ malje.”

Anutugöreŋ keu mewö ahöza.

<sup>19</sup> Anutunöŋ Köna keu kewögöra neŋgiyök, mi mötzin: Köna keu pakpak miaŋön gölme dop jöhöm neŋgimakza. Nini keu miaŋgö bapŋe anda tem köla malinga dop kölma. Qahö tem kölbin ewö, Anutunöŋ mönö likeŋŋi meleŋ neŋgii ayuhubin. Miaŋgöra sömbunini möta möndömöndönini mosöta keu böc mala tem köl waŋgiinga dop kölma. Anutunöŋ ambazip könanini mewö indelöha ahöza.

<sup>20</sup> <sup>r</sup>Köna keunöŋ jöhöm neŋgimakzapmö, nini lökŋanök mi wuatangöbingö osimakzin. Anutugöreŋ Köna keunöŋ siŋgisöndok qiwikŋaiiga aukŋe eka ölöŋ möt kutubinmö, köna miaŋön Anutugö jeŋe solanŋi akingö osibin. Mewö.

### Solanŋi akinangö könaŋi mi mötnariŋ.

<sup>21</sup> Naninak osimakzinmö, Anutunöŋ Köna keu wuatangöba solanŋi akingöra mi qahö jiyökmö, köna murutŋi kewö areŋgöba jii ahöza:

<sup>m</sup> 3.10-12 Sum 14.1-3; 53.1-3    <sup>n</sup> 3.13 Sum 5.9; 140.3    <sup>o</sup> 3.14 Sum 10.7    <sup>p</sup> 3.15-17 Ais 59.7-8    <sup>q</sup> 3.18 Sum 36.1    <sup>r</sup> 3.20 Sum 143.2; Gal 2.16

Anutunöŋ nanjak keunini jim teköiga yaŋgö jeŋe solanibin. Anutunöŋ keu mi Moses aka kezapqetok ambazip yaŋgöra indeliga naŋgöba jiba Buŋa Kimbinöŋ ohogetka nalö kewöŋe aukŋe asuhuiga mötzin.

<sup>22</sup> Miaŋgöra denike denike neŋön Jisös Kraist möt narizini, Anutunöŋ mönö körek neŋgö keunini jim teköiga solanibin. Ambazip kambu murutŋi murutŋi neŋön Anutugö jeŋe öröröŋ akzin. <sup>23</sup> Ambazip körek neŋön siŋgisöndok aka Anutugö asakmararaŋgöra osizin.

<sup>24</sup> Mi osizinmö, Anutugö kalem möriamŋan asuhuiga Kraist Jisösnöŋ sohopnini meyök. Anutunöŋ kalem miaŋgöra aka keunini jim teköiga solanibin. <sup>25</sup> Mutuk siŋgisöndok aka malgeri, Anutunöŋ mi möta mökösoŋda likepŋi zilaŋ qahö meleŋ eŋgiyök. Mi qahö meleŋ eŋgiba nanŋi ahakmeme solanŋan aukŋe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeŋe köl könjorat neŋgimapkö könaŋa ahök. Sepŋi mokoyöhi, mi möt nariinga mewö miaŋön siŋgisöndoknini mosöri solanibin. <sup>26</sup> Könaŋi mi nalö kewöŋe aukŋe asuhumapköra möta Jisös mewö ak waŋgiyök. Anutugö ahakmeme solanŋi mi kewö: Nanjak solanŋi akza aka kunŋan Jisös möt narizawi, mönö yaŋgö keuŋi jim teköiga solanimakza.

<sup>27</sup> Mewö aiga mönö wanigöra silenini mem öŋgöbinak? Yuai kungöra aka qahöpmahöp. Köna keu wuatangöba solanŋi akingöra mi osizin. Mewö solanŋi qahö akinmö, Jisös möt nariinga Anutunöŋ neŋgeka keunini jim teköiga solanimakin. <sup>28</sup> Keu ki jim teköba kötŋi kewö jim köhöizin: Köna keu wuatangömakzinangöra qahöpmö, Jisös möt narim waŋgizinaŋgöra aka Anutunöŋ keunini jim teköiga solanimakin. <sup>29</sup> Anutunöŋ Juda neŋgö Anutuninanök qahö akza. Mönö kantri tosatŋi yaŋgö Anutunina mewöyök akza me qahö? Mönö yaŋgö Anutunina mohot akza.

<sup>30</sup> Anutunöŋ mohot akza. Miaŋgöra silenini yandiget maljini, neŋön möt narim waŋgiinga mem solanim neŋgimakza aka sileŋini qahö yandiget maljei, mi mewöyök möt narim waŋgigerangöra aka mem solanim eŋgimakza. <sup>31</sup> Mötnarimegö keu jiba miaŋön kuŋgum eŋgiba mewö miaŋön Köna keu memba et alinga omaŋi akŋa me qahö? Mi yapmakek qahöpmö, Anutugöreŋ Köna keu mi qahö qeapkömakzinmö, mi mem köhöimakzin. Mewö.

#### Abrahamnöŋ Anutu möt nariba solanŋi ahök.

**4** <sup>1</sup> Nini bömön jalönini Abrahamgö könaŋangöra denöwö jibin? Yaŋön Anutugö könaŋi denöwö miwikŋaiba yaŋgö jeŋe solanŋi ahök?

<sup>2</sup> Ölŋa, Anutunöŋ yaŋgö keuŋi ahakmemeŋi ölöppangöra aka jim teköiga solanibawak ewö, yaŋön miaŋgöra ölöp sileŋi memba öŋgöbawakmö, mi

<sup>\*</sup> 3.22 Gal 2.16 <sup>†</sup> 3.30 Dut 6.4; Gal 3.20

Anutugö jeŋe qahö. <sup>3</sup>“Miaŋgö keuŋi Buŋa Kimbinöŋ kewö ohoget ahöza, “Abrahamnöŋ Anutu möt nariiga mötnaripŋi ehi dop köliga keuŋi jim teköiga solaniyök.” Keu mewö ahöza.

<sup>4</sup>Keuŋi mönö kalema jim teköiga solaniyökmö, kunŋan nup meiga galömnjan töwaŋi kalema qahöpmö, nup memakzawaŋgö dop ek kewöta töwaŋi waŋgimakza. <sup>5</sup>Gölme galömnöŋ mewö waŋgimakzapmö, Anutunöŋ aŋgöjörak ambazip neŋgö keunini jim teköiga solanimakin. Miaŋgöra kunŋan oyaekkoaen akŋamgöra nup qahö memba Anutu öne möt narim waŋgizawi, Anutunöŋ mönö mötnaripŋi mi ehi dop köliga keuŋi jim teköiga solanima.

<sup>6</sup>Deiwidnöŋ mewöyök keu miaŋgö könaŋi naŋgöba keu kewö indela jiyök, “Kunŋan oyaekkoaen akŋamgöra nup qahö meiga Anutunöŋ mötnaripŋi ehi dop köliga keuŋi jim teköiga solanizawi, yaŋön mönö simbawoŋ akza.” <sup>7</sup>“Mewö jiiga keuŋi mi kewö ohoget ahöza,

“Ambazip Köna keu walöŋgetka Anutunöŋ siŋgisöndokŋini mosöta köl könjörari maljei, yeŋön mönö simbawoŋ akze.

<sup>8</sup>Kembunöŋ kungö siŋgisöndokŋi saŋgoŋda ehi dop köliga likepŋi qakŋe qahö ali öŋgömawi, yaŋön mönö oyaekkoaen akza.”

Keu mewö ahöza.

<sup>9</sup>Anutunöŋ oyaekkoaen akingö könaŋi mewö indela Anutugö aiwesökninambuk neŋgörök jii ahöza me qahö? Mi qahö. Mi mönö kantri tosatŋi aiwesökŋini qahö yeŋgöra mewöyök ahöza. Neŋön lök kewö jiba ohozin, “Abrahamnöŋ Anutu möt nariiga mötnaripŋi ehi dop köliga keuŋi jim teköiga solaniyök.”

<sup>10</sup>Mönö wani nalöŋöŋ ehi dop köliga keuŋi jim teköiga solaniyök? Anutugö aiwesökŋi sileŋe yandiget malöhi, nalö miaŋgöreŋ qahöpmö, mutuk öne malöhi, Anutunöŋ mönö nalö miaŋgöreŋ mötnaripŋi ehi dop köliga keuŋi jim teköiga solaniyök.

<sup>11</sup>“Mutuk öne mala Anutu möt nariiga keuŋi jim teköiga solaniyök. Miaŋgö andöŋe dop köljawaŋgö aiwesökŋi mi sileŋe yandimegöra jiiga muŋgem supap ewö ahök. Mewö aiga yaŋgö andöŋe Anutugö aiwesökninambuk qahö mala möt narim waŋgiinga mötnaripŋini ehi dop köliga keunini jim teköiga solanibini, Abrahamnöŋ körek neŋgö bömön jalönina ahök. <sup>12</sup>Bömön jalönini yaŋön öne mala nalö miaŋgöreŋ uruŋi meleŋda Anutu möt nariba malöhi, nini aiwesökninambuk yaŋgö dop aka maljin. Anutugö aiwesökninambuk mala urunini meleŋda maljini, mönö neŋgö bömönina mewöyök ahök. Aiwesök yandim neŋgigetka öne laŋ qahö maljinmö, Abrahamgö köna lasupŋi wuatangaöba möt narimakzin. Mewö.

<sup>u</sup> 4.3 Jen 15.6; Gal 3.6    <sup>v</sup> 4.7-8 Sum 32.1-2    <sup>w</sup> 4.11 Jen 17.10

**Anutugö jöhöjöhö keu möt nariinga ölnambuk akpa.**

<sup>13</sup>xAnutunöŋ Abraham gölme buŋa qem waŋgiiga tonji aiga gwölönarökurupŋan yangö andöŋe mewö mal öngömegö keuŋi jiba jöhöyök. Keu mi Köna keu wuatangöyöhaŋgöra aka qahö jiyökmö, Anutunöŋ mötnaripŋi ehi dop köliga keuŋi jim teköi solanŋi ahöhaŋgöra keu mi jiyök.

<sup>14</sup>yTosatŋan oyaenköyaen akingöra Köna keunöŋ qekötahöba mewö miaŋön Anutugöreŋ yuai mi buŋa qem angubeak ewö, yeŋön mönö möt naribingö keuŋi qeapkögetka omaŋi akawak. Mewö Anutugö jöhöjöhö keugöra qahö osiinga keu miaŋön omaŋi akapuk. <sup>15</sup>Anutugöreŋ Köna keu walöŋninga irimŋi seholiiga kazikŋan qaknine öngömakzapmö, Köna keu qahö ahöbawak, mewö siŋgisöndökö keuŋi qahö jibinak.

<sup>16</sup>zAbrahamnöŋ mewö mindirim neŋgiba körek neŋgö bömöni akza. Miaŋgöra jöhöjöhö keuŋi neŋgiyöhi, mi Köna keunöŋ qekötahömakzei, yeŋgörök qahöpmö, Abraham ahök ewö möt narimakzini, neŋgöreŋ mewöyök ölnambuk akŋapaköra mörök. Miaŋgöra Anutunöŋ jöhöjöhö keuŋi mi kewö areŋgöba alök: Mi möt nariinga ölni körek neŋgöra kalema neŋgiiga kalem möriamŋan aukŋe asuhumakza.

<sup>17</sup>aAbrahamgö keuŋi kun mi Buŋa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yeŋgö iwiŋina akŋan.” Keu miaŋgö dop Abrahamnöŋ Anutugö jeŋe iwi ak neŋgimakza. Anutunöŋ kömükömuŋi mem gulim eŋgimakza. Könagesö malmalŋini qahö, mi jebuk maljeaŋgö tandök ewö eŋgoholi asuhumakze. Abrahamnöŋ mönö Anutu mewöŋi möt narim waŋgiyök.

<sup>18</sup>bAnutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö ölnambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeŋgö iwiŋini akŋamgö mamböta malök. Jöhöjöhö keu mutukŋaŋgö dop asuhumapköra mönö Anutu möt narim waŋgiba malök. <sup>19</sup>cSaragö köröŋan morö memegö dop qahö aiga nanŋak yambuŋi lök 100:kö dop ahök. Miaŋgöra nanŋi mötmöriiga lök azi namŋi sileŋi waziba sohosoholiŋi ahökmö, töndup Anutugöreŋ keunöŋ ölnambuk akŋapaköra möt narim waŋgiba maliga Abrahamgö mötnaripŋan qahö sörauba löwöriyök.

<sup>20</sup>Qahö löwöriyökmö, keuŋan ölnambuk akŋapakö möt nariba miaŋgöreŋ köhöiba kinök. Anutugö jöhöjöhö keugöra uruŋan an qem kam qem uruyahöt qahö ahökmö, mötnaripŋan köhöiiga Anutu

x 4.13 Jen 17.4-6; 22.17-18; Gal 3.29 y 4.14 Gal 3.18 z 4.16 Gal 3.7 a 4.17 Jen 17.5

b 4.18 Jen 15.5 c 4.19 Jen 17.17

möpöseiba maliga Anutugö qetbuñanjan sehiyök. <sup>21</sup>Anutunöñ yuai asuhumapkö keunji jiba jöhöba mi ak tekömamgö köhöimawkawi, mi möt köhöim teköba uruyahöt kun qahö aka malök. <sup>22</sup>Mewö aka malöhañgöra Anutunöñ Abrahamgö mötnaripñi ehi dop köliga keunji jim teköiga solaniyök. <sup>23</sup>Mötnaripñi ehi dop köliga keunji jim teköiga solaniyöhi, keu mi Abrahamgörök qahö ohoget ahöza.

<sup>24</sup>Abrahamgörök qahöpmö, neñgöra aka mewöyök mi ohoget ahöza. Nini Kembunini Jisös mem guli kömupnöhök wahöröhi, Anutu ia möt narim wanjiinga mötnaripnini ehi dop köliga jim teköm neñgiiga solanibin. <sup>25</sup><sup>d</sup>Anutunöñ neñgö siñgisöndok-ninangöra aka Jisös qahö añgön köli kömuyök aka solanji akingöra aka mem guliiga kömupnöhök wahöta malja. Mewö.

### Anutugö jeñe solaniba söñgaiba luainöñ maljin.

**5** <sup>1</sup>Neñön Anutu möt nariinga keunini jim teköiga solanizin. Miangöra Kembunini Jisös Kraistnöñ mönö nam köl neñgiiga Anutubuk luai miwikñaiba maljin. <sup>2</sup>Mewöyök Jisös Kraist möt nariinga nam köl neñgiiga kalem möriam buña qem añgubingö könañi miwikñaiba nalö kewöñe kalem möriam uruñe maljin. Anutugö asakmararañ uruñe añgotpingö jörömqöröm aka söñgaimakzin.

<sup>3</sup>Miangörök qahö söñgaimakzinmö, wahöjalij möta miangöra mewöyök söñgaimakzin. Köñjilij möta mököstönda mewö miangön kapañkölköl miwikñaibin. Mi möta miangöra söñgaimakzin.

<sup>4</sup>Kapañkölköl miwikñaiba esapesapnöñ köhöiba kinbin. Esapesapnöñ köhöiba kininga jörömqörömninan köhöimawkä. <sup>5</sup>Anutunöñ Uña Töröñi al neñgiiga köna asuhuiga urukalemñi mokoiga urunine geiga maljin. Miangöra jörömqöröm aka oyaenköyaen akingö al mamböta gamumamusum qahö miwikñaibin.

<sup>6</sup>Miangö könañi kewö: Nini mutuk lölöwöröñi ösumnini qahö malini, Kraistnöñ mönö nalö diñdiñi miangöreñök kömumba ambazip añgöjörakninambuk neñgö sohpnini meyök. <sup>7</sup>Kunöñ Köna keu törörök wuatangöba diñdiñi akzawi, ala mewöñangöra kunñan ölop qahö kömumbawak? Mi möriaga osibawakmö, kunöñ urukalem gwötpuk ambazip ak enjimawkawi, alañi kunñan yañgöra aka ölop sileñi köleñda kömumamgö mötpawak.

<sup>8</sup>Ambazipnöñ mewö ahakzinmö, Anutunöñ uruñan jöpaköm neñgimawkawi, yañön mi kewö kondelök: Yañön Kraist melaiiga eta mutuk añgöjörak ambazip malini, nalö miangöreñök mönö neñgöra aka kömuyök. <sup>9</sup>Kömuiga nalö kewöñe sepñan sanjoñda jim teköm neñgiiga solaniba maljin. Töndup mi korembenji ewö aiga öljän mönö könañgep

<sup>d</sup> 4.25 Ais 53.4-5

kewö asuhuma: Anutunöŋ siŋgisön-dokö urukönöpŋi aukŋe kondeliga yuai kanjamŋambuk gölmenöŋ asuhuma. Mi asuhiŋa Anutugö jeŋe solanŋi akzinaŋgöra Jisösnöŋ mönö jeŋberereŋ miangörenöŋ meköm neŋgiiga oyaenŋkoyaeŋ akin.

<sup>10</sup>Nini mutuk Anutugö kerökurupŋi malini, nalö miangören nanŋi Nahönŋi melaii kömumba miangön töwanini ahiga Anutubuk ala-ala ahini. Ahini, miangön korebenŋi akzäpmö, ölni bohonŋan könangep kewö asuhuma: Töwanini ali Anutugö alaurupŋi malinga Jisösnöŋ köhöiba maljawanŋgöra mönö amqeba meköm neŋgiiga oyaenŋkoyaeŋ akin. <sup>11</sup>Kembunini Jisösnöŋ Anutugö amötqeqe nupŋi meiga Anutunöŋ töwanini ali yambuk ala-ala ahini, miyöhök qahöpmö, ölna Anutubuk jöpaköm aŋguba kindä köiran köla söŋgaimakzin. Mewö.

### **Adamgöra aka köhömuŋi akzinmö, Kraistköra aka gulibin.**

<sup>12</sup><sup>e</sup>Azi mohotnöŋ siŋgisöndok gölmenöŋ kondoriga asuhuyök. Anutunöŋ siŋgisöndok miangö likepŋi aliga kömup asuhuyök. Miangö dop ambazip körek neŋön siŋgisöndok aka malinga kömupnöŋ miangöra ambazip körek pakpak dop köl neŋgii maljin. <sup>13</sup>Mutuk Köna keu qahö asuhiŋa nalö miangören mewöyök siŋgisöndok lök aukŋe asuhuba ahöyökmö, Köna keu qahö ahöiga siŋgisöndokö keuŋi mi qahö jim kewöta laŋ malget.

<sup>14</sup>Adamgö nalöneyök könahiba laŋ mala kotketka Mosesgö nalöŋe Köna keu asuhuyök. Ambazip nalö sutŋe miangören siŋgisöndok aketmö, Adamnöŋ köna walöŋnöhi, miangö dowök qahö walöŋda malgetmö, kömupnöŋ töndup i mewöyök galöm köl enŋgii malget.

Adam, azi mutukŋi yaŋön mönö azi kun kamawanŋgö söpsöpŋa ahök.

<sup>15</sup>Söpsöpŋa ahökmö, könaŋiri mi öröröŋ qahö akzahot. Adamnöŋ Köna keu walöŋda eri siŋgisöndok asuhum sehiba ambazip gwötŋuk dop köl enŋgiiga kömumba malget. Mi kömupkö könaŋi akzäpmö, oyaenŋkoyaeŋ akingö könaŋi mi kun. Mi kewö: Azi mohot Jisös Kraist yaŋön nam köl neŋgiba kalem möriamŋi indeliga Anutugö kalemŋan aukŋe asuhuba ambazip gwötŋuk dop köla qesalöpköm neŋgiyök. <sup>16</sup>Toroqeba kewö jimam: Köna yahöt mi öröröŋ qahö akzahot. Azi mohotnöŋ siŋgisöndok aiga Anutunöŋ keuŋi jim teköiga siŋgisöndok ambazip körek neŋön könöŋ siagö buŋaya akzin. Mi gölme azigö könaŋi akzäpmö, Sup azigö könaŋi mi kun. Mi kewö: Nalö gwötŋuk Anutugö Köna keu walöŋninga kalemŋi kondela jim teköm neŋgiiga solanimakzin.

<sup>17</sup>Mi dumge jimam: Azi mohotnöŋ Köna keu walöŋda kömup kondoriga ambazip körekmakörek kömumba maljin. Adamgö siŋgisöndoköra aka kömupnöŋ körek dop köla galöm köl neŋgii laŋ malin. Mi köna

<sup>e</sup> 5.12 Jen 3.6

etqeqeŋi akzapmō, Anutu ösum-mumuŋaŋgō kōnaŋi mi kewō: Ambazip nini solanŋi akingō kalemŋi mi keleşmaleleŋ buŋa qem aŋguba kalem mōriamŋaŋgō uruŋe maljini, neŋōn mōnō oyaeŋkoyaeŋ akin. Azi mohot Jisōs Kraist yaŋōn naŋgōba inahōm neŋgiiga suahō<sup>f</sup>

<sup>18</sup>Dumge kunbuk jimam: Azi mohotnōŋ Anutugō Kōna keu walōŋda eri Anutunōŋ keuŋi jim tekōiga ambazip kōrek neŋōn kōnōp siagō buŋaya ahin. Mewōŋanōk azi kunŋan solanŋi akingō kondoriga urunini meleŋninga Anutunōŋ ölōp ambazip pakpak neŋgō keunini jim tekōiga solaniba kōhōiba mal ōŋgōbin. <sup>19</sup>Dumge kunbuk kewō jimam: Azi mohotnōŋ qequetal aka ŋiŋgisōndok bohon kōli sehiiga ambazip sehisehiŋi neŋōn meleŋda ŋiŋgisōndok ambazip ahin. Mewōŋanōk azi kunŋan Anutugō jitŋi tem kōla ŋiŋgisōndokninanŋgō tōwaŋi aliga kōna asuhuiga Anutunōŋ ambazip sehisehiŋi neŋgō keunini jim tekōiga solanibin.

<sup>20</sup>Mutuk ōne laŋ mala kotketmō, Mosesgō nalōŋe Anutunōŋ Kōna keu ambazip ŋiŋgisōndokŋini mōt kutumegōra toroqem eŋgiyōk. Mi toroqem eŋgiyōkmō, mi mōtketka ŋiŋgisōndokŋinan sehiba aukŋe asuhuyōk. Mewō aiga Anutunōŋ mōnō kalem mōriamŋi mewōyōk mem sehiiga ŋiŋgisōndok ōŋgita asuhuyōk. <sup>21</sup>ŋiŋgisōndokō kukōsumŋi mi ketanŋi. Miaŋgōra ŋiŋgisōndok ahinga miaŋōn galōm kōl neŋgiiga kōhōmuŋi mala kōmumba mala korin. Anutugō kalem mōriamŋi miaŋōn mōnō mewōŋanōk kukōsumŋambuk akza. Jisōs Kraist Kembuninan solanibingō kondoriga Anutunōŋ keunini jim tekōiga diŋgiba malmal kōhōikŋi miwikŋaiba nalō tetekōŋi qahō mal ōŋgōbin. Mewō.

### ŋiŋgisōndok andō qeba Kraistpuk guliba malme.

**6** <sup>1</sup>Anutunōŋ kalem mōriamŋi neŋgii sehimapkōra ŋiŋgisōndok toroqeba aka malbin me qahō? Miaŋgōra mōnō denōwō jiinga dop kōlma? <sup>2</sup>ŋiŋgisōndok yapmakek! Nini ŋiŋgisōndokō kōsōnōhōk lolohoba urunini walŋan qamōt ewō aiga ŋiŋgisōndok akingō tōkōba maljin ewō, mōnō denōwōgōra ŋiŋgisōndoknōŋ toroqeba galōm kōl neŋgii malbinak?

<sup>3</sup>Keu ki mōtze me qahō: Nini kōrek Kraistkōreŋ qekōta-hōbingōra aka o melun mem neŋgiget. Miaŋgōreŋ urunini walŋan mōnō Jisōs qeget kōmuyōhaŋgō tandōk kōmui malbingōra o melun mi mem neŋgiget.

<sup>4</sup>Iwinōŋ asakmararaŋi kondela Kraist mem gulli kōmupnōhōk wahōrōhi, neŋgō uruninan mewōyōk kōlōŋaiiga dōlōkŋi aka malinga dop kōlma. Iwininan nini Kraistkō tandōk ewō guliba wahōta ahakmeme dōlōkŋi aka memba malbingōra mōtza. Miaŋgōra o melun mi kewōgōra mem neŋgiget: Urunini walŋan Jisōsbuk mohotŋe kōmumba ahōmapkōra urunini walŋi mi mewō lōm kōlget.

<sup>f</sup> 5.17 Jembon oŋi nene (Siawari keunōŋ qariwe ilikŋi nene) ewō kōhōiba mal ōŋgōbin.' ewō kōhōiba mal ōŋgōbin. \* 6.4 Kol 2.12

<sup>5</sup>Urunini waljan Kraistpuk öröröj kömui miaᅅgöreᅅ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöᅅ kömupnöhök wahöröhi, mönö yaᅅgö tandök öröröj guliba malinga dop kölma. <sup>6</sup>Urusilegö sihim kömbönaᅅnini bölöᅅan siᅅgisöndok akingö köpösöᅅgömakzawi, Anutunöᅅ sihim mi köndeᅅni gemapköra mörakza. Anutunöᅅ siᅅgisöndoknöᅅ toroqeba galöm köl neᅅgii welenᅅi qeba malbinbuköra mötza. Miaᅅgöra urunini walji mi Kraistpuk maripomnöᅅ lök qeiga kömuyök. Miaᅅgö dop maljin, mi mötzin.

<sup>7</sup>Kungö uruᅅi waljan kömuiga yaᅅön mönö siᅅgisöndokö kösönöhök lolohoba malja. <sup>8</sup>Urunini waljan Kraistpuk kömuyök ewö, mewöᅅanök yambuk guliba mal köhöibingö möt narizin.

<sup>9</sup>Mewö möt nariba Kraistkö könaᅅi kewö ahöi möt yaközin: Anutunöᅅ i mem gulii kömupnöhök wahöta mal köhöiba kunbuk qahö kömuma. Kömupnöᅅ i qahö toroqeba galöm kölīga mal öᅅgöma. <sup>10</sup>Kömup kömuyöhi, mewö miaᅅön mönö nalö mohot miaᅅgöreᅅ siᅅgisöndokö kukösumᅅi köndeᅅniga nalö teteköᅅi qahö lölöwöröᅅi ahöm öᅅgöma. Malmal köhöikᅅi maljawi, mi mönö Anutugöra mala mal öᅅgöma. <sup>11</sup>Qamötnöᅅ siᅅgisöndok akingö osime. Inᅅi mönö mewöᅅanök nanᅅinaᅅgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

<sup>12</sup>Sileᅅini kömumawi, miaᅅgö sihim kömbönaᅅi bölöᅅan galöm köl eᅅgiiga i tem köl waᅅgiba siᅅgisöndok akepuköra mi mönö jöhöba malme. <sup>13</sup>Miaᅅgöra sile kitipᅅini pakpak mi mönö siᅅgisöndok Toᅅaᅅgö böroᅅe kude alme. Mala mewö algetka buᅅaᅅi aiga bohon kölīga aᅅgöjörak asuhubapuk. Mewö qahöpmö, köhömuᅅeyök gulibagun mönö nanᅅini Anutu tököm waᅅgime. Sile kitipᅅini pakpak mi Anutugö böroᅅe algetka buᅅaᅅi aiga bohon kölīga ahakmeme solanᅅi asuhumakᅅa. <sup>14</sup>Inᅅi Köna keu bapᅅe qahöpmö, kalem möriam uruᅅe malje. Miaᅅgöra siᅅgisöndoknöᅅ mönö öne jöhöba galöm köl eᅅgii malbepuk. Mewö.

### **Solanᅅi malmalgö Toᅅi welen qeba malme.**

<sup>15</sup>Miaᅅgöra denöwö jibinak? Nini Köna keu bapᅅe qahöpmö, kalem möriam uruᅅe mala siᅅgisöndok ahinga dop kölja me qahö? Mi yapmakek! <sup>16</sup>To yahöt akzahot. Nanᅅini yetköreᅅök kungö böroᅅe al aᅅguba jitᅅi tem köla welenᅅi qemakzei, miaᅅgöra mönö keu ki möt yaköme: Inᅅi kun jitᅅi tem kölakzei, mönö yaᅅgö welenqeᅅeurupᅅi akze. Siᅅgisöndok Toᅅaᅅgö welenqeᅅeurupᅅi akze ewö, yaᅅön mönö eᅅguaᅅgiriga kömum köhöime. Anutugö jitᅅi tem köla welenᅅi qemakze ewö, yaᅅön mönö keuᅅini jim teköiga solanᅅi aka mal öᅅgöme.

<sup>17</sup>Inᅅi mutuk siᅅgisöndok Toᅅaᅅgö welenqeᅅeurupᅅi aka malget. Mewö malgetka Buᅅa keu mindiᅅgöm eᅅgimakᅅapköra kusum eᅅgigetka



mötket. Mi möta miangö dop uruḡini melenḡa nalö kewöḡe Buḡa keu törörök tem köla Anutugö könani wuatangömakze. Mewö möta engöra “Anutu saiwap!” jiba maljin. <sup>18</sup>Mi wuatangöba siḡgisöndokö kösönöhök lolohoba Anutugö welenḡi qeba ahakmeme solanḡi aka memba malje.

<sup>19</sup>Urusilenḡinan lölöwöröḡi akzawangöra aka keu miangö könani mi mönö gölme ambazip nenḡö keu jijigö dop nöḡön kewö jimam: Inḡini mutuk sile kitipḡini pakpak tököba iwilele Toḡangö (Satangö) böröḡe ala welenḡi qeba malget. Mewö malgetka ahakmeme angöjörakḡambuk asuhuiga uruḡinan tölöhoi malget. Mewö malgetmö, nalö kewöḡe sile kitipḡini pakpak mi mönö tököba Anutugö böröḡe alme. Mewö ala welenḡi qegetka ahakmeme solanḡi asuhuiga sarakḡi ahakḡe.

<sup>20</sup>Inḡini siḡgisöndok Toḡangö welenqeḡeurupḡi malgeri, nalö miangöreḡ ahakmeme solanḡi mi qahö wuatangögetmö, nanḡini imbi-imbi laḡ malget. <sup>21</sup>Nalö kewöḡe ahakmeme miangöra gamuḡini mötze mö, nalö miangöreḡ mewö aka mala öḡi mönö denöwö miwikḡaiget? Ahakmeme gamuḡambuk miangö öḡi mi kömup köhöikḡi.

<sup>22</sup>Nalö kewöḡe Anutunöḡ siḡgisöndokö kösönöhök pösat enḡiiga lolohoba Anutugö welenqeḡeurupḡi aketka öḡi asuhuiga sarakḡi ahakze. Mewö aka malmal köhöikḡi mala teteköḡe oyaenḡoyaen aka mal öḡgöme. <sup>23</sup>Siḡgisöndok ahinga Toḡan töwa nenḡiiga kömup köhöikḡi miwikḡaibinmö, Anutugö kalemḡi mi oyaenḡoyaen malmal. Kraist Jisös Kembuninambuk qekötahöba kinbin ewö, mönö köhöiba teteköḡi qahö mal öḡgöbin. Mewö.

### Awanöm malmalgö söpsöp keu

**7** <sup>1</sup>O urumelenḡ alaurupni, inḡini Köna keu mötzeangö dop engöra kewö jimam: Köna keunöḡ ambazip jöhöm nenḡgiza. Gölmönöḡ mal öḡgöbinangö dop mönö miangö bapḡe malbin, inḡini mi mötze me qahö?

<sup>2</sup>Miangö söpsöpḡi kun kewö: Köna keunöḡ ambi apḡambuk jöhöiga azinöḡ malmawangö dop awanöm malmahotmö, apḡan kömuma ewö, anömḡan mönö awanöm malmalgö Köna keunöhök lolohoma.

<sup>3</sup>Miangöra apḡan jebuk maliga azi kungöra Oḡ! jiiga mema ewö, yangö qetḡi mönö qesabulum ambia jimakzin. Mewö jimakzinmö, apḡan kömuma ewö, Köna keu miangön qahö toroqeba jöhöi malma. Mewö mala azi kun memawi, yangön mönö qesabulum ambia qahö akḡa.

<sup>4</sup>Miangöra urumelenḡ alaurupni, enḡö könaḡamḡinan mönö mewöḡanök ahöza. Inḡini mewöyök azi kungö buḡanḡi akḡegöra Kraistpuk qekötahöget. Anutunöḡ i mem gulii kömupnööhök wahöriga malmalninan öḡi Anutugöra miwikḡaii asuhumapköra mörakza. Kraistnöḡ kömuiga uruḡini walḡan yambuk kömuiga qamöt ewö aka Köna keugö buḡanḡi qahö malje. <sup>5</sup>Mutuk urusilegö sihim kömbönaḡi bölöḡan galöm köḡ nenḡiiga laḡ malin. Nalö miangöreḡ Köna keunöḡ sölölohöba

kuŋgum neŋgiiga ŋiŋgisöndok akingö sihim kömbönaŋnini bölöŋan asuhum tiŋgita galöm köl neŋgiget. Mianŋöra urusileninan wahöriga malmalninan kömup köhöikŋaŋgö ölni miwikŋaiba laŋ malin.

<sup>6</sup>Mewö malinmö, mutuk keu mianŋön jöhöm neŋgiiga gwaröŋe mala köna keugö bohonŋi mohot mohot wuatangöbingö kapaŋ köla nupŋi memba malin. Kraistpuk qekötahöba kininga urunini walŋan yambuk kömuiga nalö kewöŋe köna keugö buŋa ahinaŋgöreŋök lolohoba kunbuk welenŋi qahö qemakzin. Nalö kewöŋe könaŋamninan kölöŋaiiga Uŋa Töröŋan inahöm neŋgiiga amqeba Anutugö nupŋi memakzin. Mewö.

### **Siŋgisöndok akinbukö kapaŋ köla aum-mörimakzin.**

<sup>7</sup>Mianŋöra denöwö jibinak? Köna keu nanŋak ŋiŋgisöndok-ŋambuk akza me qahö? Mi yapmakek! Köna keunöŋ mönö ŋiŋgisöndokö könaŋi kondel niŋgiiga möral. Köna keu kun kewö ahöza, “Kungöreŋ yuaigöra kude köpösöŋgöman.” Mewö qahö jibawak ewö, nöŋön yuaigö köpösöŋgömakzali, mianŋö könaŋi qahö möt kutubileŋak. Mianŋöra Köna keu qahö möt kutubileŋak, mewö ŋiŋgisöndok qahö möt yaköbilenŋak.

<sup>8</sup>Köna keu qahö ahöbawak, ŋiŋgisöndoknöŋ mönö keu omaŋi aka köhömuŋi akawak. Mewö akawakmö, jöjöpaŋ keu mötpiga sel jöhöm niŋgiiga mi walöŋmamangö könaŋi ahuiga ŋiŋgisöndok aki asuhuyök. Jöjöpaŋ keunöŋ mönö kuŋgum niŋgiiga urunan wahöriga sihim kömbönaŋni bölöŋi könaŋi könaŋi asuhum tiŋgitketka bölöŋaŋgöra laŋ köpösöŋgömakzal. <sup>9</sup>Mutuk Köna keu qahö möta tönpin malalmö, jöjöpaŋ keu mötpiga mianŋön aŋgön köl niŋgiyöhaŋgöra ŋiŋgisöndokö sihimnan guliiga urunan wahöri mi ahal. Siŋgisöndok akiga mem kömum niŋgiiga köhömuŋi ahal.

<sup>10</sup>Anutunöŋ jöjöpaŋ keu mi wuatangöba mal köhöimangöra aka al niŋgiyökmö, keu mi wuatangömamangö esapköbiga mem kömum niŋgiiga köhömuŋi ahal. Köhömuŋi ahali, mianŋön mönö aukŋe asuhui miwikŋaial.

<sup>11</sup>Jöjöpaŋ keu möt kutubiga sel jöhöm niŋgiiga mi walöŋmamangö könaŋi ahui jöjöpaŋ keunöŋ kuŋgum niŋgiiga ŋiŋgisöndoknöŋ tilipköm niŋgiiga mi ahal. Siŋgisöndok aka keunambuk ahal. Mewö mianŋön Anutugö jöjöpaŋ keu mianŋön ŋiŋgisöndok bohon köliga aki mem kömum niŋgiiga köhömuŋi ahal.

<sup>12</sup>Mewö ahalmö, töndup Köna keu mianŋön mönö kömbukŋi aka sarakŋi akza. Mianŋö jöjöpaŋ keuŋan mönö diŋdiŋi aka ölöŋŋi akza.

<sup>13</sup>Mewö aiga jöjöpaŋ keu ölöŋŋi mianŋön mem kömum niŋgiiga köhömuŋi ahal me qahö? Mi yapmakek! Keu ölöŋŋan qahöpmö, Köna keunöŋ mönö nani ŋiŋgisöndoknaŋgö könaŋi indeli möt kutuyal. Siŋgisöndokö gamuŋi aukŋe asuhui kanjamŋambuk mötmangöra aka jöjöpaŋ keu mianŋön

<sup>h</sup> 7.7 Eks 20.17; Dut 5.21    <sup>i</sup> 7.11 Jen 3.13

siŋgisöndokö selŋi jöhöiga urunan wahöri walönda siŋgisöndok ahal. Nani siŋgisöndokni mianjön mönö mem kömum niŋgiiga köhömuŋi ahal. Mewö.

**Urone siŋgisöndokö yarö ahöi maljal.**

<sup>14</sup>Uŋa Töröŋan Köna keu neŋgiiga diŋdiŋi akzawi, mi mötzinmö, nöŋön siŋgisöndok azia aka sihim kömbönaŋni bölöŋambuk akzal. Eta kölbiga siŋgisöndoknöŋ galöm köl niŋgiiga tem köla welenŋi qeba siŋgisöndok ahakzal.

<sup>15</sup>Miaŋgöra yuai ölöŋŋi akŋamgö mörakzali, mi qahö ahakzal. Mimö, yuai bölöŋi akŋamgö tököba sisitŋi memakzali, mönö mia ahakzal. Miaŋgöra yuai ahakzali, nöŋön miaŋgö könaŋi ölöŋ qahö möt kutumakzal. <sup>16</sup>Miaŋgöra yuai bölöŋi akŋamgö ölan aka mia ahakzal ewö, Köna keunöŋ mönö töndup ölöŋŋi akza. Köna keugöra mönö urumohot akzal.

<sup>17</sup>Mewö aiga nöŋön nanak mi qahö toroqeba ahakzalmö, siŋgisöndok urune ahözawaŋön mönö kuŋgum niŋgiiga mi ahakzal. <sup>18</sup>Ahakmeme ölöŋŋi akŋamgö sihimŋi ölna mörakzalmö, mi akŋamgö ösumnan qahö asuhum niŋgimakza. Miaŋgöra nöŋgö urune yuai ölöŋŋi kun qahö ahözapmö, urusilenan mönö siŋgisöndok akŋamgö kuŋgum niŋgimakza, mewö mötzal. <sup>19</sup>Miaŋgöra yuai ölöŋŋi akŋamgö sihimŋi mörakzali, mia qahö ahakzalmö, yuai bölöŋi qahö akŋamgö mörakzali, mönö mia ahakzal. <sup>20</sup>Mewö aiga yuai akŋamgö tökömakzali, mia töndup ahakzal ewö, mi nanak qahö toroqeba ahakzalmö, siŋgisöndok urune ahözawaŋön mönö kuŋgum niŋgiiga mia ahakzal.

<sup>21</sup>Miaŋgöra nani könani kewö ahöi miwikŋaimakzal: Yuai ölöŋŋi akŋamgö sihimŋi mötpiga bölöŋaŋgö sihimŋan mönö uruni jöhöiga qakömakzal. <sup>22</sup>Miaŋgö könaŋi kewö: Uruneyök göröken Anutugöreŋ Köna keugöra urumohot aka tem kölmamgö mörakzal.

<sup>23</sup>Mewö mörakzalmö, sileneyök göröken nani könaŋamni kewö ahöi miwikŋaimakzal: Silenaŋgö kitipŋi mienjön siŋgisöndokö bohonŋi aketka akŋamgö mörakzal. Siŋgisöndok akŋamgö sihimnan mönö urusihimni ölöŋŋi mi memba et almapköra möri auba yarö qemakzahot. Siŋgisöndok akŋamgö sihim kömbönaŋnan mönö silenenaŋgö kitipŋi kitipŋi sölölohöm eŋgiba jöhöm niŋgiiga kösö gwarönöŋ maljal. <sup>24</sup>O nöŋön bölim teköba aŋgöjöraknambuk akzal. Urusilenaŋgö sihimŋi bölöŋan noaŋgiri kömup köhöikŋi kömumbilenbuköra mönö daŋön sohopni memba amöt qem niŋgibawak?

<sup>25</sup>O Jisös Kraist Kembuni, mönö yambuk nam köla “Anutu saiwap!” jizal. Könaŋamnan mewö aiga nanak urunanöhök Anutugöreŋ Köna

<sup>1</sup> 7.15 Gal 5.17

keugö bapŋe anda welenŋi qemakzalmö, sileni ŋiŋgisöndokŋambuk miangöreŋ göröken ŋiŋgisöndok akŋamgö sihim kömbönaŋnan jöhöm niŋgiiga miangö kösö gwarönöŋ maljal. Mewö.

**Uŋa Töröŋan tim töndanini aiga mal köhöizin.**

**8** <sup>1</sup>Miangöra ambazip Kraist Jisösbuk qekötahöba kinjini, Anutunöŋ mönö neŋgö keunini jim teköiga nalö kewöŋe könöp siagö buŋa qahö aka maljin. <sup>2</sup>Miangö könaŋi kewö: Gi ŋiŋgisöndokö sihimŋi tem köla malnöŋaŋgöra aka kömup köhöik-ŋaŋgö buŋaya aka malnöŋ. Mewö malnöŋmö, Kraist Jisösbuk qekötahöba kinöŋga malmal köhöikŋaŋgö Uŋaŋan mönö kömup köhöikŋaŋgö kösönöhök pösat gihiiga maljan.

<sup>3</sup>Ambazip urusilenine sihim kömbönaŋnini bölöŋi mi ahöza. Mi wuatangöingä Köna keugö ösumŋan löwöriba malmal köhöikŋi neŋgimapkö osiiga qaköin. Qaköba urusileninan ŋiŋgisöndok aka malini, Anutunöŋ ŋiŋgisöndok miangö keuŋi jim teköba likepŋi kewö meleyŋök: Yaŋön nanŋi Nahönŋi melaiiga gölmenöŋ eta ŋiŋgisöndok azigö sile tandök ahök. Toroqeba ŋiŋgisöndokö jöwöwöl tandök ewö aiga ohogetka kömuyök. Anutunöŋ malmal köhöikŋaŋgö könaŋi mewö mesarök.

<sup>4</sup>Anutunöŋ könaŋi mi kewögöra mesarök: Köna keunöŋ nini solanŋi aka diŋdiŋi malbingöra jim kutum neŋgimakzawi, Anutunöŋ keu miangö öŋŋan neŋgöreŋ asuhum tekömapköra mörök. Miangöra nini urusileninaŋgö sihim kömbönaŋnini bölöŋi wuatangöbingö tököba Uŋa Töröŋaŋgöreŋ naŋgöba jitsihitŋi wuatangöba ahakzin. <sup>5</sup>Ambazip urusileninaŋgö sihim kömbönaŋi bölöŋi wuatangömakzei, yeŋgö uruŋinan mönö ŋiŋgisöndoköreŋ göröken akingö ahöza. Ambazip Uŋa Töröŋaŋgöreŋ naŋgöba jitsihitŋi wuatangöba ahakzini, neŋgö uruninan mönö Uŋa Töröŋaŋgöreŋ göröken akingö ahöza. <sup>6</sup>Urusileninaŋgö sihim kömbönaŋnini bölöŋan mönö öröm neŋgiiga kömup köhöik-ŋaŋgöreŋ anbingöra ahözapmö, Uŋa Töröŋan urunine luai qeiga mal köhöibingö sihimŋi mörakza.

<sup>7</sup>Anutunöŋ Köna keu neŋgiiga ŋiŋgisöndok akingö sihim kömbönaŋninan mönö keu miangö bapŋe qahö anakza. Mi anmamgö osiza. Mi osiiga laŋ mala uruninan Anutu qetala kerök ak waŋgimakzin.

<sup>8</sup>Ambazip urusilegö sihim kömbönaŋinan galöm köl eŋgigetka laŋ maljei, yeŋön mönö Anutugö jeŋe dop kölbingö jiiga qaköme.

<sup>9</sup>Yeŋön qakömemö, Anutugö Uŋa Töröŋan eŋgö uruŋine malja ewö, yaŋön mönö galöm köl eŋgii malje. Urusilegö sihim kömbönaŋnini bölöŋi mienöŋ mönö iŋini qahö galöm köl eŋgimakze. Kraistkö Uŋa Töröŋan kungö uruŋe qahö geiga öne maljawi, yaŋön Kraistkö buŋaŋi qahö akza. <sup>10</sup>Qahö akzapmö, Kraistnöŋ eŋgö uruŋine malja ewö, sileŋinan ŋiŋgisöndoköra aka kömumemö, uŋaŋinan solanŋi akzeangöra aka mal köhöim öŋgöme. <sup>11</sup><sup>k</sup>Anutunöŋ Kraist Jisös mem gulii kömupnöhök wahöröhi, yaŋgö Uŋaŋan uruŋine malja ewö, yetkön iŋini Anutubuk qekötahöba kingetka sileŋini köhömuŋi mi mewöyök mem gulimahot.

<sup>k</sup> 8.11 1 Kor 3.16

<sup>12</sup> O urumelenj alaurupni, guliba maljinangöra neñon mönö Anutugören tosabuk maljin. Urusilegö sihim kömbönañnini bölöñi wuatangöbinangö tosañi qahöpmö, Uña Töröñangö jitñi tem köla malbingö tosañan mönö ahöm neñgiza. Mianğöra nanini imbi-imbi lañ malbinbuk. <sup>13</sup> Urusilegö sihim kömbönañnini bölöñi wuatangöba malje ewö, iñini mönö kömpu köhöikñangö buñaya akñe. Mewö akñemö, Anutugö köulukögetka Uña Töröñan urusileñinañgö ahakmeme bölöñi mem kömumakña ewö, mewö miañon mönö guliba mal köhöiba malme. <sup>14</sup> Anutugö Uñañan ambazip eñguañgiri maljei, yeñon körek Anutugö nahönbö-raturupñi akze.

<sup>15</sup> <sup>l</sup> m Ömewöröme yeñon ambazip sölölohöm eñgigetka jönömñini undi welenqeçe omañi aka maljemö, iñini öme mewöñi mia kun qahöpmö, Uña Töröñi i buña qem anguba malje. Mianğöra iñini mönö kunbuk toroqeba keñgöt qakñe malbepuk. Uña Töröñi yañon mönö mem letot eñgiiga Anutugö nahönböraturupñi akze. Uña miañon sölölohöm neñgiiga Anutugöra “Aba” <sup>16</sup> Anutugö nahönböraturupñi akzini, keu mi Uña Töröñan nanñak nanini uñañinambuk imbi köla mohotñe nañgöba jimakzahot.

<sup>17</sup> Anutugö nahönböraturupñi akzin ewö, yañon nanñi ambazipurupñi neñgöra oyaenköyaen mözözömgöi ahözawi, mi mewöyök buña qem angubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kinda buña qem angubin. Kraistpuk mohotñe sihimbölö mörakzin ewö, mönö mewöyök Kraistkö asakmararañnöñ öñgöba yambuk mohotñe asariba malbin. Mewö.

### Malmal asakmararañambuknöñ öñgöba malbin.

<sup>18</sup> Nalö kewöñe sihimbölö möta maljini, miañon malmal eretñi akza. Könangep Kraistkö asakmararañnöñ öñgöba asariba oyaenköyaen malbini, miañon mönö malmal öñgöñgöñi aködamunñambuk akña. Malmal yahöt mi likeplikep ala kewöt-pinañgö dop qahö. Mewö mötmörizal. <sup>19</sup> Anutunöñ sömbup aka yuai pakpak miwikñaiyöha ahözei, mieñon mönö mamböta Kraistnöñ kaba Anutugö nahönböraturupñi meköba kondel eñgiiga asakmararañ asuhum eñgimapköra awöweñgömakze.

<sup>20</sup> Anutunöñ sömbup aka yuai pakpak miwikñaiyökmö, mieñon mala kömumba ayapköme. Nanñini sihimñinañgö dop qahöpmö, Anutunöñ mönö nanñi sihimñangö dop mewö areñgöyök. Yuai pakpak ayapkömemö, töndup jörömqöröm eñgiiga oyaenköyaen kewö asuhumapköra al mambörakze: <sup>21</sup> Anutunöñ sömbup aka yuai pakpak miwikñaiyöha ahözei, mieñon mönö mewöyök kewögöra mambörakze: Anutunöñ i mewöyök añgöjörak malmalgö

<sup>1</sup> 8.15 Mak 14.36; Gal 4.6    <sup>m</sup> 8.15-17 Gal 4.5-7    <sup>n</sup> 8.15 Aba mi Arameik keunöñ iwi. 'Iwini!' qerakzin.    <sup>o</sup> 8.20 Jen 3.17-19

kösöñeyök pösat enjiiga qahö kömumba gisahöba ayapkömemö, Anutugö nahönbörat ewö lolohoba asakmararañinambuk asariba ahöm öngöme.

<sup>22</sup>Miañgö könañi kewö: Anutunöñ sömbup aka yuai pakpak miwikñaiyöha ahözei, mieñön körek pakpak mönö mohotñe osongom köla morö memegö masö tandök möta ahöba kota nalö kewöñe mewöyök ahakze. Mi mötzin. <sup>23</sup>Anutunöñ sömbup aka yuai pakpak miwikñaiyöha ahözei, mieñönöhök qahöpmö, Anutugö yambu jeniqe qe ahinga Uñañi kalema neñgii maljini, neñön mönö mewöyök uruninan osongom köla maljin. Anutunöñ neñguañgiri nahönbörataturupñi qainñi kun akingö mamböta mala osongom ahakzin. Neñguañgita sile sohpnini meiga kunbuk letotpingöra awöweñgöba maljin.

<sup>24</sup>Mewö letotpingö jörömqöröm aka urunini melenđa Suepkö buñaya ahin. Yuaigöra jörömqöröm ahakzini, miañgö öñji asuhui ehinga jörömqörömnini mewö miañön teköma. Kunöñ kun yuaigö öñji asuhui eka miañgö jörömqörömñi mi qahö toroqeba aka mambörakza. Mi qahö. <sup>25</sup>Yuaigö öñjan qahö asuhui ehakzini, miañgöra jörömqöröm akzin ewö, mi mönö kapañ köla asuhumapköra al mamböringa uruninan qahö erakza.

<sup>26</sup>Mewöñanök löwöriinga Uña Töröñan bauköm neñgimakza. Denöwö köuluköinga dop kölbawak, mi qahö mötzinmö, Uña Töröñan mönö nanñak köuluk nupnine bauköm neñgiba neñgöra aka köuluköba keu jitñi aukñe qahöpmö, osongom aka sañepnöñ alakza. <sup>27</sup>Sañepnöñ ala Anutugö jitsihitñangö dop ambazip sarakñi neñgöra aka köulukömakza. Anutunöñ ambazip urunini ek kewörakzawi, yañön mönö amqeba Uña Töröñangö uru mötmötñi mörakza.

<sup>28</sup>Anutunöñ köulukñi möta öroyuai pakpak galöm köliga miañgö mindimindiri öñjan mönö nanñi alaurupñan ölöwakñegöra asuhumakza. Mi mötzin. Öñji miañön ambazip amötqe qe areñangö dop engehöli jöpaköm wañgimakzei, mönö i mewö me mewö bauköm enñgimakza. <sup>29</sup>Anutugö areñangö könañi kewö: Nanñi nahönñan urumelenñ alaurup sehisehiñi neñgö sutnine mutuknini ak neñgimapköra mörakza. Miañgöra qeljiñe areñ ala nini tandökninan Nahönñangö dop akingöra mörök. Miañgöra ambazip qeljiñe möt neñgiyöhi, nini mewöyök mewö akingöra jim möwölöhöm neñgiyök. <sup>30</sup>Qeljiñe jim möwölöhöm neñgiyöhi, nini mewöyök neñgoholök. Neñgoholöhi, neñgö keunini mewöyök jim teköiga solaniin. Solaniini, neñgöra mewöyök köna kondeliga nanñe asakmararañnöñ öngöba oyaenkyoaen akin. Mewö.

### **Anutugö urukalemñangö möpömöpösei liñet.**

<sup>31</sup>Keu mi möta miañgöra denöwö jibinak? Anutunöñ sel jöhöm neñgiba likepnine malja ewö, dañön mönö qetal neñgibawak? <sup>32</sup>Anutunöñ nanñi

Nahönŋi tok qahö aŋgön kölökmö, i jim teköiga malmalni körek neŋgöra aka köleŋnök. Mi köleŋniga Anutunöŋ yambuk kalem korembenji tosatŋi pakpak mi mewöyök amqeba neŋgima.

<sup>33</sup> Anutunöŋ ambazip nanŋaŋgöra möwölöhöm neŋgiba keunini jim teköiga solanimakzini, miangöra daŋön mönö keu jakeŋe al neŋgibawak? <sup>34</sup> Kraist Jisösnöŋ kömuiga Anutunöŋ kunbuk mem guliiga Suepnöŋ öngöba Anutugö böröŋi öŋe tata toroqeba neŋgöra aka köulukömakza. Miangöra kunŋan kun keunini kewöta könöp sianöŋ gebingöra jim teköm neŋgimamgö osima.

<sup>35</sup> Kraistkö urukalem uruŋe malinga daŋön mönö miangöreŋök mendeŋ neŋgiiga etpinak? Kahasililiŋ ak neŋgigetka wahöjalin mötpinakmö, Kraistkö urukalemŋeyök ölöp qahö etpin. Sese-werowero ak neŋgibeakmö, miangöreŋök ölöp qahö etpin. Bödi akinak me opo söroninan qahöwahi malbinak, mönö ölöp qahö etpin. Kömumbinbuk keŋgöt qakŋe malbinak me yarö gilgetka kazik asuhubawakmö, mönö ölöp qahö etpin. <sup>36</sup> "Miangö keuŋi Buŋa Kimbinöŋ kewö ohoget ahöza, "Nalö dop söŋanök könahiba kömumbingöra neŋgugetka anda mala suŋgem ahakza. Lamaya eŋgum nembinaŋgörök maljei, neŋgöra miangö tandök mötmörimakze."

<sup>37</sup> Keu miangö dop ak neŋgibeakmö, Kraistnöŋ urukalemŋi indeli mörini, yaŋön töngum neŋgiiga lömböt pakpak miangöreŋ mönö luhut ala köiraŋ köla malbin. <sup>38</sup> Yuai kunöŋ mönö Kraistkö urukalemŋeyök mendeŋ neŋgimamgö osima. Mi öŋ töhöŋŋa möt yaközal. Kömupnöŋ me malmalgö yuaini kunöŋ mönö mendeŋ neŋgimamgö osima. Suep garata me ömewöröme yeŋön mönö nalö kewöŋe me könaŋgep nini mendeŋ neŋgibingö osime. Bem suahö kukösumŋinambuk yeŋön mi osime.

<sup>39</sup> Euyangö euŋe me emuyangö emuŋe maljei, yeŋön mönö mendeŋ neŋgibingö osime. Anutunöŋ öroyuai tosatŋi kun miwikŋaiyöha ahözei, mieŋön mönö mewöyök Anutugö urukalem miangöreŋök mendeŋ neŋgibingö osime. Anutugö urukalemŋi miangön mönö Kraist Jisös Kembunini yangöreŋ asuhui indeli, mi mötzin. Mewö.

### Anutunöŋ sihimŋangö dop Israel möwölöhöm eŋgiyök.

**9** <sup>1</sup> Nöŋön Kraistpuk qekötahöba kinda muneŋ keu qahöpmö, keu öŋ töhöŋŋi kun jimam. Uŋa Töröŋangö keugöra kezap albi keuni naŋgöba jim köhöiba saŋep urune ali kewö möta jizal: <sup>2</sup> Nöŋön Juda ambazip tosatŋi yeŋgö wösöbirikŋinan nuŋguiga urunan sihimbölo ketanji teteköŋi qahö kewögöra mörakzal:

<sup>3</sup> Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel

<sup>9</sup> 8.36 Sum 44.22

alaumurupnan uruņini melenmegöra aum-mörimakzal. Anutunöŋ yengö keuņini keworiga nanak yengö salupņini akiga likeņni melenđa nöŋgö qakne kewö öŋgömapkö mötzal: Yaņön ni Kraistköreņök mendenġ ningii könöp siagö buņaya akņamgö mötzal.

<sup>4</sup>Yeņön Israel kambu uruņe malgetka Anutunöŋ enġuaņgiri buņani akze. Anutugö qetbuņani bisiba aködamunņinambuk akze. Anutunöŋ yembuk oyaenġkoyaenġ akingö jöhöjöhö walņi aka dölökņi aka Köna keuņi al enġiyök. Miangöra jöwöwöl jikenöŋ öŋgöba Anutugö waikņi memba möpöseimakze. Anutunöŋ kötümötuetņi sehmapkö keu jöhöyöhi, miangö ölnan asuhumapköra mambörakze. <sup>5</sup>Yeņön bömön jalönini Abrahamgö gwölönarök-urupņi yengö isi moröurupņina malje. Kraistnöŋ yengöreņök gölme sile memba azia asuhuyök. Kraistnöŋ Anutunina aka yuai pakpak galöm kölīga qetņi nalö teteköņi qahö möpöseimakin. Keu mi ölna.

<sup>6</sup>Mewö maljemö, Israel könagesönöhök asuhum sehiba maljini, neņön pakpak mönö töndup Israel ambazip ölni qahö akzin. Miangöra Anutugö keuņan siņgiiga ösumņan erök tandök ahakza me? Mewö jibinak, mi keu ölna qahö. <sup>7</sup>Abrahamgö gwölönarök-urupņi yengöreņök ahuzinangöra aka körek neņön mönö Anutugö nahönböraturupņa qahö akzin. Mewö qahöpmö, Anutunöŋ Abrahamgöra kewö jiyök, “Aisakö isimoröurupņan mönö göhöreġ toroqeba qetki bisiba mal öŋgöme.”

<sup>8</sup>Keu miangö könani kewö: Abrahamgö gwölönarökurup gölme ambazip siliknöŋ morö ahumakzini, körek neņön mönö Anutugö nahönböraturupņi qahö akzin. Mewö qahöpmö, Anutunöŋ keu jöhöi ahözawangö dop ahuini, Anutunöŋ mönö ninia möt neņgiiga Abrahamgö gwölönarökurupņi ölni akzin. <sup>9</sup>Jöhöjöhö keu miangö Abrahamgöreġ kewö kaiga mörök, “Yambu mohot teköiga miangöreġ kunbuk kaba gekiga Saranöŋ mönö morö nahönņambuk akņa.”

<sup>10</sup>Keu mewö möri yaņgöreġ mewö asuhuyökmö, miangöreġök qahö teköyök. Yaņgö andöŋe Rebekagöreġ mewöŋanök Anutugö keugö dop asuhuyök. Bömönini Aisak yaņön anöŋņi mi gölöm waņgiiga nahönyahötniri siwisiwi asuhuyohot. <sup>11</sup>Siwisiwi yetköŋ gölömņe tata qahö asuhuba yuai ölöpnġi me bölöņi kun qahö ahoři, Anutunöŋ mönö nalö miangöreġ nahön yetköreġök kun nanņangöra möwölöhöyök. Nanņi mötmöt areņan köhöiba ölnambuk ak tekömapköra aka munņi möwölöhöyök.

<sup>12</sup>“Nanņi jitsihitņan ölnambuk akņapköra Rebekagöra kewö jiyök, “Datņan mönö munņangö welenqeqeņi aka nembö bapņe malma.” Anutunöŋ mewö jiba ahakmemeņiri akahorahi, miangö dopņe i qahö kewöt etkiyökmö, nanņi mötmöt sihimņi miyök wuatangöba munņi oholiga datņangö ketaņamņi ahök. <sup>13</sup>“Miangö keuņi Buņa Kimbinöŋ kewö

<sup>r</sup> 9.4 Eks 9.4   <sup>s</sup> 9.7 Jen 21.12   <sup>t</sup> 9.9 Jen 18.10   <sup>u</sup> 9.12 Jen 25.23   <sup>v</sup> 9.13 Mal 1.2-3



ohoget ahöza, “Jeikob urunan jöpaköba malalmö, Iso (Esau) mi tököba kazik ak waŋgiba malal.”

<sup>14</sup>Keu miangöra mönö denöwö jibinak? Anutunöŋ diŋdiŋi qahö akza me? Mewö qahöpmahöp! <sup>15</sup>“Anutunöŋ Mosesgöra keu kewö jii ahöza, “Nöŋön mönö nani jitsihitni wuatangöba kun niŋia ehoriba ak kömumangö mötzali, ia mönö ak kömum waŋgi-makzal. Kun dagöra wösö mötmöt ak waŋgimangö jizali, yaŋgöra mönö wösöni mörakzal.” <sup>16</sup>Keu miangöra aka gölme azinöŋ Anutu qahö galöm kölakzapmö, yuaigö sihimŋi möta akŋangö esapköm bibihibawakmö, mi töndup Anutu qahö oŋgitma. Anutu nanŋak kalem möriamŋangö dop yuai pakpak galöm köliga yaŋgö böröŋe ahöza.

<sup>17</sup>“Anutunöŋ farao kingöra keu jiiga Buŋa Kimbinöŋ kewö ahöza, “Nani qetbuŋani jim sehigetka gölme körek pakpak dop kölmapköra mötzal. Mewö möta kukösumni kondelbi aukŋe asuhumapköra kuŋgum gihibiga göŋön asuhum tiŋgitnöŋ. Asuhum tiŋgita mala tuarenjoŋ ak niŋgiba malnöŋga mönö luhut al gihial.” <sup>18</sup>Keu miangö dop Anutunöŋ nanŋi jitsihitni wuatangöba kun ehoriba ak kömumangö mötzawi, ia mönö ak kömum waŋgimakŋa aka kungö uruŋi mem gwözöŋmamgö jizawi, ia mönö mem gwözöŋniga yaŋgiseŋ ahakŋa. Mewö.

### Anutugöreŋ irimsesewöl aka ak-kömukömu

<sup>19</sup>Engöreŋök kunŋan nöŋgöra kewö jibawak, “Mewö aiga körek neŋön mönö Anutugö jitsihitŋi tuarenjoŋ ak waŋgibingö osimakzin. Mewö aigun Anutunöŋ mönö wuanöŋgöra toroqeba jim neŋgimakza?” <sup>20</sup>“Kunŋan mewö jibawakmö, gölme azi gi mönö niŋia aka Anutu tuarenjoŋ aka aŋgururuk ak waŋgibanak? Börösöwönöŋ mönö nanŋi miwimiwikŋai Toŋi kewö ölöp qahö jim waŋgima, “Gi mönö wuanöŋgöra tandök kewöŋi miwikŋaim niŋinöŋ?” <sup>21</sup>Kimbut meme azinöŋ mönö nanŋi kukösüm qakŋe sihimŋangö dop gwaköm meleŋda möwölöhöba gwaköm mohot miangöreŋök kouraŋen murutŋi murutŋi memakza. Tosatŋi nalö dop memba nupnöŋ alakzin aka tosatŋi aködamunŋinambuk mi mönö sösoŋgai nalöŋeyök nupnöŋ alakzin.

<sup>22</sup>Anutu miwimiwikŋai Toninan mönö mewöŋanök ak neŋgimakza. Yaŋön irimsesewölŋi ambazip kondel neŋgiiga kukösümŋi eka mötpingöra mörakza. Mewö möta irimŋan seholiiga kazikŋan ambazip tosatŋi yeŋgö qakŋine öŋgöiga jöjöröba köndenŋ eŋgimangö aka malök. Mi töndup likepŋi zilaŋök qahö meleŋ eŋgiyökmö, yeŋgöra aka sihimbölä gwötputuk möta mökösoŋda uruŋini meleŋmegöra mamböta malök.

<sup>23</sup>Mewöŋanök kalem möriamŋi indeli keleŋmaleleŋ asuhu-mapköra mörakza. Mewö möta ambazip aködamunŋi buŋa qem aŋgubingöra

<sup>w</sup> 9.15 Eks 33.19    <sup>x</sup> 9.17 Eks 9.16    <sup>y</sup> 9.20 Ais 29.16; 45.9

möwölöhöm neŋgiyöhi, nini mönö neŋgehoriiğa aködamuraŋambuk asarimakzin. <sup>24</sup>Nini mewöyök mewö akingöra neŋgoholök. Juda ambaziwök qahöpmö, kian kantriŋi kantriŋi i mewöyök mewö akneğgöra eŋgoholök. <sup>25</sup><sup>z</sup>Anutunöŋ mianğö keuŋi jiğa kezapqetok azi Hoseagö kimbinöŋ kewö ahöza,

“Ambazip nani könagesöurupni qahö aka malgeri, nöŋön mönö i eŋgoholbiga nani könagesöni akne. Tosatŋan nani wölböt alani qahö malgeri, yeŋgöra mönö ‘Nani wölböt alaurupni,’ mewö jiba malmam.

<sup>26</sup> <sup>a</sup>Nöŋön gölme kungö ambazip yeŋgöra kewö jiba malal, ‘Iŋini nani könagesöurupni qahö malje.’ Mewö jiba malalmö, i mönö gölmeŋine mianğöreŋök eŋgohola qetŋini kewö qetmam: Iŋini mönö Anutu malmal Toŋaŋğö nahönböraturupŋi akze. Utekutek mewö asuhuma.”

<sup>27</sup><sup>b</sup>Aisaiianöŋ mewöyök Israel ambazip neŋgöra aka kewö sahöta jiyök, “Israel ambazip jaŋğönini köwet sak ewö akawak ewö, mia kun töndup neŋgöreŋök awamŋi neŋğönök mönö urunini meleŋninga amöt qem neŋgima. <sup>28</sup>Kembunöŋ gölmeŋi gölmeŋi pakpak neŋgö keunini zilaŋzilaŋ kewöta jim teköba likepŋi körek meleŋ neŋgim teköma.”

<sup>29</sup><sup>c</sup>Aisaiianöŋ mewö jiba qeljiŋe keu kun jiyöhi, mianğö ölŋan mönö neŋgöreŋ kewö asuhuza, “Kembu kukösum pakpak Toninan gwölönarökurupnini tosatŋi qahö eŋgehoru uruŋini meleŋbeak ewö, gölmeninan lök Sodom ewö meleŋni geiga könöp jebawak. Neŋön mönö Gomora ambazip ewö ayuhubinak. Anutunöŋ lök mewö ak neŋgibawak.” Mewö jiyök.

### Israel jesöŋğöŋan Anutu yaŋgiseŋ ak waŋgimakze.

<sup>30</sup>Mianğöra mönö denöwö jibinak? Kantri tosatŋan Anutugö jeŋe solanŋi akingö nupŋi qahö kapaŋ köla megeri, yeŋön mönö Anutugö jeŋe solaniget. Uruŋini meleŋda Anutu möt narigetka mianğöra keuŋini jim teköiga solaniba malje. <sup>31</sup>Mewö maljemö, Israel neŋön solanŋi akingöra Köna keu wuatangöbingö kapaŋ köla mala kota mi töndup Anutugö jeŋe qahö solaniin.

<sup>32</sup>Mianğö könaŋi kewö: Nanŋinanök esapköba ahakmeme diŋdiŋi aka mewö mianğön solanŋi akingö kapaŋ köla Jisös qahö möt narim waŋgiget. Yaŋön köt pöwöwöm ewö akzawi, mönö yaŋğöreŋ tötaŋğöba eŋgui qaköba andö qeget. Mianğöra solanŋi qahö aket. <sup>33</sup><sup>d</sup>Mianğö keuŋi Buŋa Kimbinöŋ kewö ohoget ahöza,

“Eket, Anutu nöŋön mönö ain köt kun Zaion kunduje Israel kambu uruŋine kuŋgubiga yeŋön mianğöreŋ tötaŋğöba et

<sup>z</sup> 9.25 Hos 2.23    <sup>a</sup> 9.26 Hos 1.10    <sup>b</sup> 9.27-28 Ais 10.22-23    <sup>c</sup> 9.29 Ais 1.9    <sup>d</sup> 9.33 Ais 28.16

engui andö qemakŋe. Kunŋan azi ip pöwöwöm köhöikŋi mi möt narim waŋgimawi, yaŋön mönö nalö kunöŋ yaŋgöra gamu qahö miwikŋaima.” Mewö.

**10** <sup>1</sup>O urumeleŋ alaurupni, nöŋön nani könagesöurupnan uruŋini meleŋmegöra awöweŋgömakzal. Anutunöŋ amöt qem engimapköra uruni qezaköba yengöra aka Anutu köuluköm waŋgimakzal. <sup>2</sup>Yengö könaŋamŋinan kewö ahöza: Yeŋön Anutugöra urukönöp ahakzemö, mi gukmaulem qakŋe ahakze. Yengö keunini mewö naŋgöba jizal.

<sup>3</sup>Anutunöŋ keunini jim teköiga solanizini, miaŋgö könaŋi qahö möt yaköba nanŋinanök esapköba solanŋi akingö kapaŋ kölakze. Mewö aka Anutunöŋ keunini jim teköiga solanibingö jimakzawi, keu miaŋgö bapŋe qahö anda qaköba öne laŋ malje. <sup>4</sup>Kraistnöŋ nanŋök Köna keu wuatangöm teköyök. Nini tosatŋan mi osiba Kraist möt nariba urunini meleŋjini, mewö mönö Kraistköra aka Anutugö jeŋe solaniba dop köljin. Mewö.

#### **Anutunöŋ nini körek amöt qem neŋgimangö mötza.**

<sup>5</sup>“Mosesnöŋ Köna keu wuatangöba mewö miaŋön solanŋi akingö keunŋi mi kewö ohoi ahöza, “Köna keu wuatangöm tekömawaŋön mönö miaŋgöra aka mal köhöima.” <sup>6</sup>Keu mewö ahözapmö, urunini meleŋda möt nariinga Anutunöŋ keunini jim teköiga solanimakzini, Mosesnöŋ miaŋgöra keu kewö jii ahöza, “Urugan kewö mötmöriba jibanbuk: Azi daŋön mönö Sup mire öŋgöbawak?” Ambazipnöŋ mi Kraist waŋgita etmapköra laŋ jiget. <sup>7</sup>me “Azi daŋön mönö kömup mirigö dutŋe gebawak?” Ambazipnöŋ mi Kraist waŋgita kömupnöhök wahötmapköra laŋ jiget.

<sup>8</sup>Mewö jiba toroqeba kewö jiyök, “Buŋa keu mi köröwen qahöpmö, mönö göhö numbuge aka uruge ahöza.” Buŋa keu mi möt naribingöra aka ahöza. Neŋön keu miaŋön ambazip uru kuŋgum engiba kewö jim asarim engimakzin: <sup>9</sup>Anutunöŋ Jisös mem gulii kömupnöhök wahörök. Göŋön keu mi urugan möt nariba numbu jitkan “Jisösnöŋ Kembuni akza,” mewö jim miwikŋaizan ewö, mönö amöt qem gihiiga letotman.

<sup>10</sup>Gi urugan Buŋa keu möt narinöŋga Anutunöŋ keugi jim teköiga solaniman aka numbu jitkan Jisös jim miwikŋainöŋga amöt qem gihiiga letotman.

<sup>11</sup>“Buŋa Kimbigö keu kun kewö jiget ahöza, “Daŋön i möt narim waŋgimawi, yaŋön mönö gamu qahö miwikŋaima.” <sup>12</sup>Anutunöŋ Juda ambazip qahö neŋgek soriba kantri tosatŋi qahö qepureim engimakza. Kembu mohot yaŋön mönö körek neŋgö Kembunini aka dop mohotnöŋ

<sup>e</sup> 10.5 Lew 18.5    <sup>f</sup> 10.6-8 Dut 30.12-14    <sup>g</sup> 10.11 Ais 28.16

kewöt nengimakza. Ambazip i qeta köulukömakzini, yañön mönö kötümütuətji nini körek keleŋ-maleleŋ nengimakza.

<sup>13</sup><sup>h</sup>Miaŋgö keuŋi mi Buŋa Kimbinöŋ kewö ahöza, “Ambazip denike yeŋön Kembugö qetŋi qeta köulukömei, yañön mönö i körek amöt qem eŋgiiga letotme.”

<sup>14</sup>Ambazipnöŋ Kemu qahö möt narim waŋgiba yaŋgö qetŋi mönö denöwö qeta köuluköbeak? Yaŋgö könaŋi qahö jiget mötkeri, i mönö denöwö möt narim waŋgibeak? Kunŋan Buŋa keu qahö jim asarima ewö, yeŋön mi mönö denöwö mötpeak? <sup>15</sup><sup>i</sup>Ambazip kun Buŋa keugöra qahö melaibin ewö, yaŋön mönö denöwö anda mi jim asaribawak? Miaŋgö keuŋi Buŋa Kimbinöŋ kewö ohoget ahöza, “Ambazip Buŋa keu ölöŋŋi memba kamakzei, yeŋgö köna ötöŋini möringa qetpuk sorokŋi akza.”

<sup>16</sup><sup>j</sup>Mewö ohoget ahözapmö, nöŋgö Israel könagesö öŋŋi yeŋön Ölöwak Buŋa qahö tem köla malje. Miaŋgö keuŋi mi kezapqetok azi Aisaianöŋ kewö jii ahöza, “O Kemu, nini Buŋa keu jim sehiinga daŋön mönö uruŋi meleŋda mi möt naribawakto?” <sup>17</sup>Keu miaŋgö dop Kraistkö keuŋi jim sehiinga kezapŋine geiga mötketka mötnaripŋinan mönö mewö asuhuma.

<sup>18</sup><sup>k</sup>Mötnarip mewö asuhumapmö, kewö qesim eŋgizal: Buŋa keu miaŋön mönö Juda yeŋgö kezapŋine qahö geiga mötket me? Qahö, mi mönö mötket. Miaŋgö keuŋi mi kewö jigetka Buŋa Kimbinöŋ ahöza, “Keu jigetka keu kourukŋinan mönö anda anda gölme pakpak dop kölöc. Mi gölmeŋi gölmeŋi eu emu likeplikep miaŋgören mötket.”

<sup>19</sup><sup>l</sup>Keu miaŋgö dop Buŋa keu löc mötketmö, kunbuk toroqeba kewö qesim eŋgizal: Israel ambazipnöŋ mi qahö möt asariget me? Mosesnöŋ mutuk keu kewö jiyök,

“Ambazip könagesö öŋŋi qahö nöŋön mi amöt qem eŋgibiga eŋgö uru mututqututŋinan mönö miaŋgöra aka asuhuma. Kian kambu gukmaulem maljei, yeŋön iŋini eŋgöŋgitketka silik miaŋön mönö Juda eŋgö uruŋini kuŋgubiga irimŋini seholiiga uruŋinan wahötma.”

<sup>20</sup><sup>m</sup>Aisaianöŋ mönö köhöiba kinda kewö jii ahöza,

“Ambazip ni qahö jarum niŋgiba laŋ malgeri, yeŋön mönö ni miwikŋaim niŋgiget.

Ambazip nöŋgö könananŋöra qahö qesiba malgeri, nöŋön könanamni mönö yeŋgöra indelbi mötket.”

<sup>21</sup><sup>n</sup>Yeŋgöra mewö jiyökmö, Israel nengöra mönö keu kewö jii ahöza, “Silim dop söŋanök könahiba qeŋetal könagesö kezapjupjup ahakzei, iŋini nöŋgören kamegöra eŋgohola eŋgöra böro kaek köla malbiga suŋgem ahakza.” Mewö.

<sup>h</sup> 10.13 Joel 2.32    <sup>i</sup> 10.15 Ais 52.7    <sup>j</sup> 10.16 Ais 53.1    <sup>k</sup> 10.18 Sum 19.4    <sup>l</sup> 10.19 Dut 32.21    <sup>m</sup> 10.20 Ais 65.1    <sup>n</sup> 10.21 Ais 65.2

**Israel uruŋe urumeleŋ kambu moröŋi ahöza.**

**11** <sup>1</sup>Miaŋgöra kewö qesizal: Anutunöŋ nanŋi könagesöŋi andö qem neŋgiyök me qahö? Mi qahöpmaöhöp! Nönjön mewöyök Abrahamgö gwölönarökŋi kun akzal. Nanak Israel könagesögö kambu qetŋi Benjamin miaŋgö uruŋe maljal. <sup>2</sup>Anutunöŋ nanŋi könagesöŋi qeljiŋe möwölöhöm neŋgiyöhi, nini mönö qahö andö qem neŋgiiga maljin. Kezapqetok azi Elaijagö (Eliagö) kösohotŋi mi Buŋa Kimbinöŋ ohogetka ahöza. Yeŋön Anutugö jeŋe Israel ambazip jim eŋgiba köuluköyöhi, injini keu kemaŋi mi mötze me qahö? Keu mi kewö, <sup>3</sup>“O Kambu, yeŋön mönö göhö kezapqetok ambazipurupki eŋguget kömugetka göhöreŋ jöwöwöl ohoho altaŋi altaŋi köndenmöndenget. Ni mohot nömosötket malbiga mömö-laköba mönömba nuŋgubingö jöjöröze.”

<sup>4</sup>Mewö jiyökmö, Anutunöŋ mi möta mönö kewö meleŋ waŋgiba jiyök, “Gi nangok qahö maljanmö, nönjön azi 7000 mewöŋanök sel jöhöm eŋgibiga nani buŋani aka bem munerŋi Bal i qahö simin köl waŋgiba göbuk toroqeba malje.” <sup>5</sup>Keu miaŋgö dop nalö kewöŋe mewöŋanök Anutugö kambu moröŋi ahöza. Anutunöŋ kalem möriamŋaŋgö dop ambazip awamŋi möwölöhöm neŋgiiga maljin.

<sup>6</sup>Kalem möriamŋan mönö nam köl waŋgiiga möwölöhöm neŋgiyök. Nini ahakmeme ölöŋŋi aka memba malbinahi, miaŋgöra aka qahö möwölöhöm neŋgiyök. Gölme ambazip ahakmemeninan nam köl waŋgiiga möwölöhöm neŋgibawak ewö, yaŋgö kalem möriamŋan mönö yuai omaŋi akawak.

<sup>7</sup>Miaŋgöra mönö denöwö jibinak? Israel könagesönöŋ solanŋi akingö kapaŋ köla malgetmö, solanibingö könanŋi mi qahö miwikŋaiget. Yeŋön qahöpmö, Anutunöŋ kambu moröŋi möwölöhöm neŋgiyöhi, neŋön kalemŋi mi miwikŋaiba solanŋi ahin. Tosatŋan mötmöt bölöŋan uruŋini gwözöŋŋi öne laŋ malje. <sup>8</sup>Miaŋgö keuŋi mi Buŋa Kimbinöŋ kewö ohoget ahöza, “Gaun jeje malgetka Anutunöŋ öme qahö jöhöiga uruŋine geiga köhömuŋi aket. Yuai eka könanŋi ek kutubepuköra jeŋini mem sohoiga ömuŋ kölökö. Keu kezapŋinan möta möt asaribepuköra mi mem gwözöŋnök. Mewö tönpin mala kota nalö kewöŋe mewöyök öne laŋ malje.” <sup>9</sup>Kiŋ Deiwidnöŋ miaŋgö keuŋi kewö jii ahöza,

“O Anutu, yeŋön közölömbuaŋ ala nempa laŋ söŋgaimakze.

Miaŋgöreŋ mönö eŋgek miwikŋaiba siŋgisöndokŋinaŋgöra simba alnöŋga eŋgimema.

Mönö nanŋini dumŋine tötaŋgöba et eŋguiga likeŋŋi meleŋ eŋginöŋga sihimbölö mötme.

° 11.1 Fil 3.5    P 11.3 1 Kiŋ 19.10, 14    ¶ 11.4 1 Kiŋ 19.18    † 11.8 Dut 29.4; Ais 29.10

\* 11.9-10 Sum 69.22-23

<sup>10</sup> O Anutu, gi mönö jeñini mömbauba mem gömölinönga uba ekingö osime.

Mönö likepñi melenj enjinönga qakñine öngöba lömböriiga sundan dop upköba malme.”

Deiwidnöñ mewö köuluköyök.

### **Kian kantri yeñön Anutugö ipñi ölni aket.**

<sup>11</sup>Toroqeba kewö qesizal: Juda könagesö ölni yeñön tötañgöba et enjuiga uruñinan gwözöñniga ölöwakingö osime me qahö? Mi qahö osime! Et enjuyöhi, miañön mönö Anutu möt kutubingö awöweñgömögöra aka asuhuyök. Juda könagesö ölni yeñön köna oñgita et enjuiga kian kantri yeñön salupñini aka uruñini melenja Anutugö buñani aket. Mewö akeri, miañön uruñini kuñguiga miañgöra irimñini seholiiga uruñini melenjmegö sihimñan asuhumapköra aka mewö asuhuyök.

<sup>12</sup>Juda könagesö ölni yeñön köna siñgiba et enjuiga miañgöra kian gölmeñi gölmeñi yeñön oyaenjkoyaenjingö könañi miwikñaiget. Mi miwikñaiba uruñini melenja kötümötuet uruñe maljemö, Juda könagesö ölni yeñön tönpin mala Anutugö jeñe qahö dop kölje. Könañep Juda yeñön mewöyök körek uruñini melenjme. Mewö asuhuiga Anutugö kötümötuetñan sehiba keleşmaleleş aukñe asuhuma.

<sup>13</sup>Nöñön keuni ki Juda enjgöra qahöpmö, kian kantri könagesö enjgöra jizal. Nöñön kian kantri enjgöreñ melaimelai azi aposol akzalañgöra “Nupni qetbuñañambuk akza,” jiba mewö mötmörizal. <sup>14</sup>Nupni mi membi ölni asuhuiga uruñini melenjmakzei, nani Israel könagesöurupnan miañgö buzupñi mötmögöra kapañ köla awöweñgömakzal. Buzup keu miañön mohot mohot yeñgö uruñini kuñguiga miañgöra irimñini seholiiga uruñini melenjbingö sihimñan asuhui melenjgetka Anutunöñ amöt qem enjgima. Nupni qetbuñañambuk mi mönö miañgöra aka kian kantri enjgö sutñine memakzal.

<sup>15</sup>Anutunöñ Juda kambu andö qem neñgiiga miañgö ölnan mönö kewö asuhuyök: Kian kantriñi kantriñi enñön salupñine aketka Anutunöñ töwañini qeba enjgömeiga alaurupñi aket. Juda könagesö ölni yeñön uruñini melenjgetka Anutunöñ amöt qem enjgiba möt anñön köl enjgimawi, miañgö ölnan mönö kömupnöhök guliba mal köhöimeañgö dop akña.

<sup>16</sup>Yambu jeñiqeqe dölökñe nene Anutugöra kewöta ala sösongai ahinga sarakñi akza ewö, nupkö numbu neneñi pakpak mönö mewöyök sarakñi akza. Ip jalöñan töröñi akza ewö, böröñan mönö mewöyök töröñi akze.

<sup>17</sup>Juda kambu mi Anutu nanñangö oil ipñi akza. Anutunöñ nanñi oil ipñi mi öñböñi memba böröñi tosatñi mitii etket aka arökñangö oil ip böröñi memba kaba sutñine ali toroqeba qarimakze. Kantri tosatñi inñini

arökɲaŋgö oil ip miangö dop akzemö, Anutunöŋ töndup eŋgömeiga nalö kewöŋe ip börö qainŋi kun miengö sutɲine mal köhöimakze. Iŋini mönö Juda kambugö oil ip jalöŋeyök nene oŋi öröba nemba qarimakze.

<sup>18</sup>Iŋini Juda nembuk kinjemö, töndup Juda neŋgoŋgita sileŋini memba öŋgöbepuk. Sileŋini mem öŋgöbeak ewö, mönö keu ki mötme: Kantri tosatɲi iŋini ip böröŋanök ewö akze. Iŋini jalönini qahö bisimakzemö, nanine ip jalöŋan mönö iŋini eŋgömisiiga kinje.

<sup>19</sup>Keu kewö jibeak, “Anutunöŋ nini nanŋi ip kemaŋe al neŋgimapköra aka ip böröŋi mi kutui eriga tiŋi asuhuyök.” <sup>20</sup>Keu mi ölna. Anutunöŋ Juda ambazip uruŋini qahö melenɲa möt narigerangöra aka kutum eŋgii etketmö, iŋini mönö mötnariŋinan töndangöm eŋgiiga zeŋ kinje. Mewö kinda jakbak-öraŋböraŋ kude aka aiweliköba malmemö, mönö kewö et eŋgubapuköra sömbuŋini möta malme: <sup>21</sup>Anutunöŋ nanŋi ipŋaŋgö böröŋi ölni qahö eŋgehoriba Juda könagesö kutum eŋgiyök ewö, iŋini mönö “Ölöp neŋgehorima,” mewö jibepuk. Öne mewö mötmöriba laŋ malbepuk. <sup>22</sup>Miangöra kian kantri iŋini Anutugö könani mötmöriba kewö jime, “Juda ambazip köna siŋgiba et eŋguyöhi, Anutunöŋ miangö likepŋi melenɲa mönö ölna könöpŋambuk ak eŋgimaksapmö, nini ölöwak Toŋambuk qekötahöba kininga mem ölöwak neŋgimakza. Yambuk qahö toroqeba kinbin ewö, mönö kantri tosatɲi nini mewöyök kutum neŋgii etpin.”

<sup>23</sup>Mewö ölöp jimemö, Anutunöŋ ambazip köna siŋgigeri, mi mewöyök ölöp köhöiba ip kemaŋe kunbuk toroqem eŋgima. Miangöra Juda könagesö yeŋön yaŋgiseŋini mosöta uruŋini melenɲe ewö, i mönö ölöp Jisösbuk toroqem eŋgima. <sup>24</sup>Anutunöŋ iŋini arökɲaŋgö oil ip miangöreŋök kutum eŋgiba kölkömötkö könani oŋgita oil ip qainŋi kungö kemaŋe al eŋgii toroqeket. Kantri tosatɲi iŋini mewö ak eŋgiyök ewö, miangöra nanŋi ip böröŋi ölni Juda könagesö ölni mi mönö amqeba eŋgömemba sihimŋan nanŋi oil ipŋaŋgö kemaŋe al eŋgii kunbuk toroqeme. Mewö.

### Anutunöŋ Israel körek ak kömum neŋgimangö mötza.

<sup>25</sup>O urumelenɲ alaurupni, nanŋini mötkutukutu qakŋe laŋ malbepuköra mönö keu tölapŋi kun indela möt asarimegöra mötzal. Keu mi kewö: Mötmöt bölöŋan Israel könagesögö bahöŋi kun yeŋgö uruŋini gwözöŋni maljemö, nalö teteköŋi qahö yaŋgiseŋ qahö toroqeba malme. Qahöpmö, mutuk kian kantri yeŋgöreŋök jesöŋgöŋan uruŋini melenɲa Anutugö bemtohoŋ uruŋe kaŋgotme. Mewö aketka Anutunöŋ jaŋgöŋini ehi dop kölmawi, nalö miangöreŋ Juda könagesö yeŋgö yaŋgiseŋ nalöninan teköiga körek uruŋini melenɲe. <sup>26</sup>Uruŋini melenɲetka Anutunöŋ Israel

<sup>1</sup> 11.26 Ais 59.20

könagesö pakpak amöt qem enjiiga letotme. Mianğö keunji mi Buña Kimbinöñ kewö ohoget ahöza,

“Amötqeqe Toñan mönö Zaiön kunduneyök asuhuba Jeikob kambu neñgö ahakmemenini aņgöjörakñambuk mi köl könjöratma.

27 “Anutu nöñön siņgisöndokñini köl könjörata oyaenkyoaen akingö jöhöjöhö areñi mi yembuk akiga mohotje malbin.”

Keu mewö ahöza.

28 Juda könagesö öñji yeñön Ölöwak Buña andö qeba Anutugö kerökurupñi akerañğöra kantri tosatñi eñön salupñine Anutugö alaurupñi akze. Mewö akzemö, Anutunöñ Israel bömön jalö-urupñini möwölöhöm enjiyöhangöra Juda neñön mönö toroqeba wölböt alaurupñi ölbölñi akzin. 29 Anutunöñ ambazip niñia möwölöhöba enğohola kalem enjimakzawi, keu mi mönö kunbuk urunji möñaiiga utekömawanğö dop qahö. 30 Kian kantri iñini mewöyök mutuk Anutugö jitñi qahö tem köla lañ malgetmö, Juda könagesö öñji yeñön yanğiseñ akerañğöra aka Anutunöñ iñini ak kömum enjiiga letotket.

31 Juda könagesö öñji yeñön nalö kewöñe Anutugö jitñi qetala lañ mala kotzemö, eñön letotkerañğöra aka Anutunöñ Juda könagesö nini mewöñanök nalö kewöñe ak kömum neñgimamgö mötza. Kian kantri eñön urunji meleñda letotketka mianğö silikñan urunji kuñgumakzawi, mianğöra yeñön mönö mewö-ñanök amqeba urunji meleñda ak-kömukömuñi buña qem aņgume.

32 Ambazip lökñanök pakpak nini Anutu qetala lañ malinga qegetalnini miwikñaiiba gwaröhöm neñgiyök. Körek pakpak ak kömum neñgimapköra aka kösönöñ gwaröhöm neñgiyök. Mewö.

#### **Anutu möpöseiba omsa liñet kewö kölakzin:**

33 <sup>v</sup>Anutu kalem möriamñanğö köweñan mönö keta bölökñi akza. Iwinanğö jitñi, mötmötñi mönö gegeñi teteköñi qahö. Mötkutukutuñan neñgongita öñgöñgöñi ketañi akza. Yanñön keunini kewöta jim tekömakzawi, neñön mi lökñanök jim asarim teköbingö osibin. Malmalninañgö köna areñgömakzawi, mianğö könañi mönö möt kewöta miwikñaim teköbinanğö dop qahö.

34 <sup>w</sup>“Kembugö urukönömñanğö areñi mi ambazip körekñan möt yaköbingö osiba mala korin. Kunñan kun goro wanğimawanğö dop qahö.”

35 <sup>x</sup>“Gölme ambazip kalem aņgumakzinmö, yambuk mewö akingö osiba mala korin.

Yuai wanğiinga kitipñi qahö meleñ neñgiiga ölöp dop köl wanğiza. Yuai kun bian neñgimapkö tosa wanğibingö osimakzin.”

<sup>u</sup> 11.27 Jer 31.33-34   <sup>v</sup> 11.33 Ais 55.8   <sup>w</sup> 11.34 Ais 40.13   <sup>x</sup> 11.35 Job 41.11



<sup>36</sup> Mi kewögöra osimakzin: Yañon yuai pakpakö Tonji aka bömön jalöni akza. Yañon yuai pakpak nam köliga asuhuyök. Mi nanji aködamun miwikñaim wañgimapköra aka asuhuyök. Miangöra neñon qetbuñaji möpöseininga teteköni qahö aködamunñambuk ahöba öngöba ahöma. Keu mi ölna.

### Malmalnini denöwö malinga Anutugöreñ dop kölma?

**12** <sup>1</sup> O urumelen alaurupni, Anutunöñ mewö ak kömum neñgiyö-hañgöra nöñon mönö uruñini kewö kuñgum engizal: Injini mönö ak-kömukömuñi mi urukönömñinan mötmöriba miangö dop kitipñi meley wañgiba waikñi memba möpöseiba malme. Mewöyök nanjini sileñini mi Anutugö kötön naluha alme. Mewö alme ewö, injini mönö guliba sarakñi aketka Anutunöñ nalukñini mi ehi dop köli sihimñi mörakña.

<sup>2</sup> Mutuk gölmegö ahakmeme bölöñangö areñi wuatangöba malgetmö, nalö kewöñe mewö kude toroqeba ahakñe. Mewö qahöpmö, mönö urumötmötñinan kölönaiiga letota malme. Mewö mala Anutunöñ engöra sihimñi denöwö mötzawi, mi jaruba ölop köhöiba kewöta miwikñaim. Mi miwikñaiiba miangö dop ahakñe ewö, mönö köna ölöñi wuatangögetka dop köl wañgii aködamunñinambuk ahakñe.

<sup>3</sup> Siksauk lañ malbepuköra keu kun jimam. Anutunöñ kalem möriam niñgiiga miangö qakñe kinda körek engöra kewö jizal: Injini mönö nanjini mötket öngöñgöñi qahö akñapmö, mohot mohot injini mönö törörök möt kutum añguba malme. Anutunöñ mötnariñ neñgiiga miangö ölni asuhumakzawañgö dop mönö nanjini kewöt añguba miangö dopkeu jiba malme.

<sup>4</sup> Miangö könañi kewö: Sileninan mohot akzapmö, sile kitipnini mi gwötpuk. Kitipñi pakpak mieñon nup mohot miyöhök qahö memakze. <sup>5</sup> Miangö dop urumelen ambazip neñon mewöyök gwötpuk maljinmö, töndup Kraistpuk qekötahöba kinda sile ewö ölni mohot akzin. Mohot akzinmö, nanjök nanjök neñon mönö toroqem añguba mohotñe nup meinga dop köli kinjin.

<sup>6</sup> Anutunöñ kalem möriamñi neñgiyöhangö dop nup memegö mötmöt kalem murutñi murutñi buña qem añguba maljin. Kunöñ kezapqetok nupkö mötmöt kalemñi buña qem añguza ewö, yañon mi mönö nupnön alakña. Mötnariñnan töndangöm wañgi-makzawañgö dop nupnön ala Anutugö keuñi jiba malma. <sup>7</sup> Kungöra welenqeqe nupkö mötmöt kalemñi wañgiyök ewö, miangö dop mönö tosatñi pöndañ bauköm engiba malma. Kungöra böhi qaqazu nup memapkö mötmöt kalemñi wañgiyök ewö, yañon mönö memburik-qemburikñi qahö pöndañ tosatñi kusum engiba malma.

<sup>γ</sup> 11.36 1 Kor 8.6   <sup>z</sup> 12.4-5 1 Kor 12.12   <sup>a</sup> 12.6-8 1 Kor 12.4-11

<sup>8</sup> Kungöra uru nangönanğö nupkö mötmöt kalemni wañgiyök ewö, yañön mönö pöndañ kapañ köla ambazip uruñini kuñguba nangöm eñgiba malma. Tosatñan yuaigöra mözöröngöba osigetka kungöra i nangöm eñgimapkö mötmöt kalemni wañgiyök ewö, yañön mönö koñwarakni qahö pöndañ nangöm eñgiba malma. Kungöra galömkölköl nupkö mötmöt kalemni wañgiyök ewö, yañön mönö zeñ kinda tosatni galöm köl eñgiba malma. Kungöra urukalem nupkö mötmöt kalemni wañgiyök ewö, yañön nup mi mönö sösöñgai qakñe memba malma. Mewö.

### Urukalemğö könañi törörök wuatangöme.

<sup>9</sup> Mönö geñmoñ mosöta törörök urukalem ak añguba malme. Bölöñi sisit memba andö qeba malme. Ölöpnangöra ak eñgiiga miangöreñ mönö qekötahöba malme. <sup>10</sup> Urumeleñ alaurupni mi mönö guñböñjönjön qakñe ak eñgiba törörök jöpaköm añguba malme. Göda qem añgubingö kapañ kölakzei, miangöreñ mönö awöwengöba möpöseim añguba malme.

<sup>11</sup> Uruñinan mönö kude sörauba löwörimapmö, köulukögetka Uña Töröñan inahöm eñgiiga urukönöpnöñ kinda Kembugö nup memba malme. <sup>12</sup> Jörömqöröm aka sösöñgainöñ malme. Kahasililiñ möta mökösoñda malme. Mönö böñ kinda Anutu köuluköba malme. <sup>13</sup> Anutugö ambazip sarakñan yuaigöra osizei, i mönö bauköm eñgiba malme. Mönö ambazip köl öröm eñgiba mohotñe tata nene nem sösöñgai ahakñe.

<sup>14</sup> <sup>b</sup> Sesewerowero ak eñgimakzei, ambazip mi mönö kude qesuahöm eñgimemö, mönö Anutu köulukögetka kötuetköm eñgimakña.

<sup>15</sup> Söñgaizei, yembuk mönö bauköba söñgaime. Sahötzei, yembuk mönö bauköba sahötme. <sup>16</sup> <sup>c</sup> Mönö urumohot ak añguba luainöñ malme. Nanñinanğöra mönö kude mötket öñgöma. Jakbak-örañbörañ kude akñemö, ambazip eretni mönö ala ak eñgiba malme. Nanñinanğöra mötketka mötkutukutu ambaziwa maljeağö dop kude akña.

<sup>17</sup> Jinöñ jibi, nuñgunöñ guhubi, aknöñ aki mi kungöra kude akñe. Ambazip körekñan silik tosatni miengöra mötketka ahakmeme ölöpnöñ akzei, mi mönö kapañ köla memba malme. <sup>18</sup> Yuai kungöreñ qahö qaköze ewö, mönö köhököhöi ahöm eñgizawağö dop kapañ köla ambazip körek yembuk luainöñ malme.

<sup>19</sup> <sup>d</sup> Keu kun mi Buña Kimbinöñ kewö ohoget ahöza, “Nöñön mönö bölöñağö likepni melenbiga qakñine öñgöma. Mi nöñgö nuwa. Kembu nöñön mewö jizal.” Miangöra wölböt alaurupni, iñini nanñinak bölöñağö likepni kude melenmemö, mi Anutugöra mosötketka irimñan seholiiga eñgö kitipni melenđa meköm eñgima.

<sup>b</sup> 12.14 Mat 5.44; Luk 6.28   <sup>c</sup> 12.16 Qam 3.7   <sup>d</sup> 12.19 Dut 32.35

<sup>20</sup> eMianggöra mi nanjinak kude meleşmemö, Buşa keu ki mönö wuatangöba malme, “Kerökan nenegö kömuza ewö, i mönö nene gumohom wangiman. Göhö kerökan ogö mötza ewö, i mönö o wanginönga nema. Mewö aka göhöreş silik ölöpnj miangön mönö uru kuşgum wanginönga gamuşi möta mosötpawak.” Keu mi mönö wuatangöba malme. <sup>21</sup> Kunşan silik bölöni miangön luhut al gihibapukmö, nangak mönö silik ölöpnj aka miangön luhut al wangiba silikni bölöni mi koyonaniman. Mewö.

**Gawman yeşgö keu bapşine anda tem köla malme.**

**13** <sup>1</sup> Gawman kun mi nanşök qahö asuhuyökmö, Anutu, kukösum Tonji yaşön mönö gawman kuşgui miangö dop ketaşamninan kukösum qakşe kinda galöm köl eşgimakze. Jimkutukutu nupkö kondotkondotşj mi Anutu. Mianggöra inşini körek mönö nanşini gawman yeşgö keu bapşe anda malme. <sup>2</sup> Könaşj mewö mötzeanggöra aka kunşan jimkutukutu galöm yeşgö kukösumşjini qetalşawi, yaşön Anutunöş malmalgö areşj alöhi, mönö mi qetalşja. Jimkutukutu Tonji qetalşei, Anutunöş yeşgö keuşjini jim teköba likeşj meleş eşgiiga lömböt miwikşaime.

<sup>3</sup> Galömkölköl yeşön ambazip ahakmeme bölöni ahakşei, mi keşgöt mötmöt ak eşgimakzemö, ölöpnj ahakşei, mi mewö qahö ak eşgimakze. Mianggöra galöm kukösumşjinambuk yeşgö keşgötşki mötmamgö mötşan me qahö? Mi qahö mötmamgö mötşan ewö, mönö ahakmeme ölöpnj aka memba malnöşga möpöşeim gihimakşe.

<sup>4</sup> Gawman yeşön mönö Anutu welenşj qeba mem ölöwak gihibingö mötze. Mewö mötzeanggöra ambazip bölöni akşei, mönö miangö likeşj meleşda qakşine öşgöi lömböt mötmeggöra kinşe. Anutugö welenqeşeuruşj aketka buldömingö sou ketaşj eşgiyöhi, mi öne töhön qahö memba malşe. Mianggöra yuai bölöni akşan ewö, mönö keşgötşki möta malman. <sup>5</sup> Lömböt qakşine öşgöi mötşepukgöra mönö gawman jitşjini tem köla malme. Mianggörök qahöpmö, Anutugö şeş mohot dop kölmapköra mönö mewö ahakşe. Qahö tem kölgetka Anutugö irimşan sehölşi jii urukönömşjinan mewö mötşetka uruşşinan bölşibapukgöra mönö mewöyök gawman yeşgö keu bapşe anda malme.

<sup>6</sup> Gawman yeşön mönö Anutugö nup bahöşj kun memba mianggöreş zeşj kinda galöm köl eşgimakze. Nupşjini mi memeggöra eşön mönö bauköm eşgiba takis mewöyök alakze. <sup>7</sup> Gawmangö takis aka kötön könaşj könaşj dawik eşgimeşgö jimakşei, mi mönö körek miangö dop eşgimakşe. Gawmangö takis könaşj könaşj pakşak mi mönö törörök eşgimakşe. Gawmangö nup meme ambazip yeşgöra mönö ewe ala göda qem eşgimakşe. Mewö.

e 12.20 Qam 25.21-22 f 13.6-7 Mat 22.21; Mak 12.17; Luk 20.25

**Nalö ketanjan dopdowiiga mönö jöpaköm aᅅguba malme.**

<sup>8</sup>Mewö aka kungörej tosa kun embuk kude ahöi malme. Töndup engö tosaᅅini mohok-kun mi nalö dop kewö ahöza: Iᅅini mönö uru jöpaköm aᅅguba malme. Kunᅅan tosatᅅi jöpaköba urukalem ak engimakzawi, yaᅅön mönö Köna keu wuatangöm tekömakza.

<sup>9</sup>Jöjopaᅅ keu bohonᅅi kewö, “Nangi jöpaköm aᅅgumakzani, miangö dop mönö tosatᅅi pakpak jöpaköm engimakᅅan.” Keu miangö uruᅅe jöjopaᅅ keu kewöᅅi ahöze, “Sero yoᅅgorö kude akᅅan,” “Ambazip kun kude qenöᅅ kömuma,” “Yoᅅgorö kude meman,” “Yuaigöra mönö kude köpösöᅅgöman.” Mi aka jöjopaᅅ keu tosatᅅi pakpak mi mönö keu bohonᅅi miangö nemböᅅe akze.

<sup>10</sup>Ambazip kun jöpaköm waᅅgizan ewö, yaᅅgöra mönö yuai bölöᅅi kun kude ak waᅅgiman. Miangöra urukalem aka mewö miangön mönö jöjopaᅅ keu körek pakpak tem köla wuatangö-makzan.

<sup>11</sup>Nalö kiangö könaᅅi mötzeangöra mönö ahakmeme mewöᅅi aka memba malme. Mutuk Kraist möt nariba urunini meleᅅnini, nalö miangörejök könahiba mala koringa Kembunöᅅ meköm neᅅgii Suepnöᅅ öᅅgöbini, miangö nalöᅅan mönö dowe ahöza. Miangöra iᅅini gaun ahözei, miangörejök imbiᅅini möta wahötmeangö nalöᅅan mönö lök kam kuᅅguza. <sup>12</sup>Suᅅgem köropᅅi malinga wehön jeᅅi jililingöba koriga asarimamgö akza. Miangöra söᅅaupkö ahakmeme mi mönö tömbuluᅅaniget geiga asakᅅangö bim qebingö aködamunᅅi mi mönö memba kölget geiga kinbin.

<sup>13</sup>Asakᅅangö uruᅅe malᅅinanᅅö dop mönö ahakmeme sarakᅅi aka memba malbin. Tosatᅅan közölömbuaᅅ pati ala bau numbu memba o köhöikᅅangöra eᅅololoᅅ ahakze. Sero namböᅅnamböᅅ aka laᅅ ambi yoᅅgorö öromakze. Jula deᅅda aᅅgururuk aka aᅅgöhöba urunöᅅ mututqutut möta andönöᅅ qem aᅅgumakze. Ahakmeme mewöᅅan mönö qahö dop kölja. <sup>14</sup>Urusilegö sihim kömbönaᅅini bölöᅅan guliba wahötketka miengö sihimᅅini tem köl engibepuköra mönö mi kude kezap ala mötmörim engimakᅅe. Mewö qahöpmö, Kambu Jisös Kraistkö ahakmemeᅅan mönö timbi saiwaᅅini aiga mi maluku ewö löᅅgöt aᅅguba malme. Mewö.

**Alaurup lölöwöröᅅi i kude jim engiba malme.**

**14** <sup>1</sup><sup>h</sup>Kungö mötnariᅅan lölöwöröᅅi aiga i mönö köyan köla köl örom waᅅgiba malme. Yambuk eraum möta kösawöraᅅ keugöra jitnakölik kude ahakᅅe. <sup>2</sup>Tosatᅅan mötnariᅅinanᅅö dop nene pakpak ölöᅅ nemakzemö, tosatᅅi yeᅅgö mötnariᅅinan lölöwöröᅅi aiga nene piakᅅanök

§ 13.9 Eks 20.13-15, 17; Dut 5.17-19, 21; Lew 19.18 <sup>h</sup> 14.1-6 Kol 2.16

nemakze. Uruņinan tölöhobapuköra uruyahöt aka sömbup tandö lopiongö naluk alalņi mi sisitņi memba yöha töhönök inanņik ohom nemakze. <sup>3</sup>Nene pakpak nemakzeañön mönö alaurupņini yöhayök nemakzei, mi jijiwilit kude ak engimakņe. Anutunöņ alaurupņini nene pakpak nemakzei, mi mewöyök “Dop kölje,” jiba köyan köl engimakza. Miangöra yöhayök nemakzei, eņön mönö alaurupņini yeņgö keuņini kude jim teköme.

<sup>4</sup>Göņön mönö niņia aka kungö welenqeņeņi jim teköm waņgibanak? Yaņön mönö nanņi toņaņgö jeņe keuņaņgö likeņņi jiiga kewöta jim teköiga dop kölīga kinma me lömböt qakņe öņgöiga etma. Kembunöņ mönö köhöiba böņ qeba kinmapköra naņgöm waņgimakņa. Miangöra mönö ölöp böņ qeba kinma.

<sup>5</sup>Tosatņan silim pakpaköra mötmörigetka tandökņini öröröņ ahözemö, tosatņan silimņi silimņi kewöta silim kungö mötket öņgöiga qainņi kun aiga silim tosatņan miangö nemböņe akze. Iņini mohot mohot mönö nanņini mötmötņini qekötahöba miangöreņ uruyahöt körek yaköriba awösamakakak kinda malme. <sup>6</sup>Tosatņan silimņi silimņi kewöta öņgöba eta alakzei, yeņön mi mönö Kembu qetbuņa waņgimapköra aka ahakze. Tosatņan sömbup nemakzei, yeņön mönö Anutu möpöseiba Kembunöņ mewö qetbuņaambuk akņapköra nemakze. Tosatņan sömbupkö siņgi malakzei, yeņön mönö Kembunöņ qetbuņaambuk akņapköra aka mi ahakze aka mewö mala Anutu möpöseimakze. <sup>7</sup>Neņgöreņök kunņan kun mönö nanņaņgörök qahö malja aka nanņaņgörök qahö kömuma.

<sup>8</sup>Miangö könaņi kewö: Jebuk malbin ewö, mönö malmalnini Kembugöra köleņda malbin. Kömumbin ewö, mönö Kembugöra kömumbin. Miangöra malbin me kömumbin ewö, mönö Kembugö buņaya akzin. <sup>9</sup>Kraistnöņ mönö kömugeri aka jebuk malņini, körek neņgö Kembunini aka malmapköra kömumba guliyök. <sup>10</sup><sup>i</sup>Anutunöņ mönö körek neņguaņgita nanņi keu jakeņe al neņgiiga kinbin. Miangöra tosatņi eņön mönö niņia aka urumeleņ alaurupņini jim teköm engimakze? Mewöyök alaurupni tosatņi eņön mönö wuanöņgöra urumeleņ alaurupņini tosatņi mi jijiwilit ak engimakze? Jujuł silikņini miangön mönö qahö dop kölja. <sup>11</sup><sup>j</sup>Miangö keuņi mi Buņa Kimbinöņ kewö ohoget ahöza, “Kembu nöņön mal köhöizali, miangö dopkeu öł töhöņņi kewö jizal: Ambazip körek pakpak iņini mönö nöņgö jemesoholne simin köla jitņinan Anutu ni möpöseim niņgime.”

<sup>12</sup>Keu miangö dop nini körekņan mönö inanņök inanņök ahakmemeninangö kösohotnini mi Anutugöra jim asariinga kewöt neņgima. Mewö.

### **Kunöņ tötangöba et qebapuköra mötmörime.**

<sup>13</sup>Miangöra mönö kude toroqeba jim bölim aņguba keuņini jim teköme. Urumeleņ alaurup yeņgö könanöņ tötangöba et eņgubapukö yuai kun mönö

<sup>i</sup> 14.10 2 Kor 5.10    <sup>j</sup> 14.11 Ais 45.23

kude alakŋe. Miangö keuŋi mönö kapaŋ köla jiba jöhöme. <sup>14</sup>Nene yuai kunöŋ nanŋanök aŋgöjörakŋambuk qahö akzapmö, ambazipnöŋ yuaigö mötketka aŋgöjörakŋambuk akzawi, yeŋgörohök mi aŋgöjörakŋambuk akza. Nöŋön Kambu Jisösbuk kinda keu mi möta miangöra uruyahöt kun qahö akzal. <sup>15</sup>Anutunöŋ nene pakpak amöt qem teköi sarakŋi akzemö, töndup alaurup tosatŋan dönqizizini aka sömbup qahö nemakze. Kraistnöŋ yeŋgöra aka kömuiga tosatŋi eŋön mönö wuanöŋgöra sömbup namba mewö miaŋön yeŋgö uruŋini mem bölimakze? Mewö nanŋini imbi- imbi aketka urumelenŋ alaurupŋinan miangöra wösöbirik ahakzei, mewö mönö urukalemgö könŋi mi qahö toroqeba wuatangömakze.

<sup>16</sup>Mötmöt ölöŋŋi ahöm eŋgizapmö, miangö qakŋe ahak-memenŋinan laŋ aketka tosatŋan miangöra sirongen keu jiba jim eŋgimakze. Mewö asuhubapuköra galöm mem aŋguba malme. <sup>17</sup>Wani neneya nembini aka wani oya nembini, miaŋön Anutu bemtohoŋaŋgö aiwesökŋi qahö akza. Yuai miaŋön mönö eretŋi akza. Yaŋgö bemtohoŋ uruŋe malmalgö ölni mi kewö: Uŋa Töröŋan inahöm neŋgiiga ahakmeme diŋdiŋi wuatangöingga luai qem neŋgiiga söŋgaiba maljin. Miaŋön mönö aiwesök muŋgemŋi akza. <sup>18</sup>Denike yeŋön mewö aka Kraistkö welenni qemakzei, yeŋön mönö Anutugö jeŋe dop kölgetka ambazipnöŋ keuŋini mötketka dop köl eŋgimakza.

<sup>19</sup>Miangöra nini luai qem aŋguinga urumohot sehimapköra kapaŋ kölbin. Mewö miaŋön mönö urunini möhamgöba mem köhöim aŋgubin. <sup>20</sup>Anutunöŋ nene pakpak amöt qem teköi sarakŋi akze, mi mötzinmö, kunöŋ sömbup me nene kun neiga alaŋaŋgö uruŋan miangöra böliiga urukönöpŋi ahuiga ŋiŋgisön-dokpuk akzawi, miaŋön mönö qahö dop kölja. Kunŋan tosatŋi yeŋgöra qahö mötmöriba nanŋaŋgörök möta laŋ nezawi, yaŋön mönö mewöyök ŋiŋgisöndokpuk akŋa. Miangöra Anutunöŋ yeŋgö uruŋine nupŋi meyöhi, tosatŋi eŋön mönö nupŋi ölöŋŋi mi nenegöra aka kude mem bölime.

<sup>21</sup>Miangöra urumelenŋ alaurupŋini yeŋgöra aka sömbupkö ŋiŋgi mala wain o mi kude namba malme. Mewö miaŋön mönö mohotŋe ölöwakŋe. Mewöyök uruŋinan yuaigöra aka böliiga ŋiŋgisöndokpuk aka löwöribawak, eŋön mi kude akŋe. Mewö mönö mohotŋe ölöwakŋe. <sup>22</sup>Kösawöraŋ keugö mötnariŋŋi mewö me mewö ahöm gihizawi, mi mönö Anutugö jemesoholŋe aŋgön köla malman. Kunŋan keu kungöra “Dop kölja,” jiba miangöreŋ qekötahöba möt köhöiba miangöra nanŋi qahö jim teköm aŋguzawi, yaŋön mönö simbawoŋ akza.

<sup>23</sup>I me wai mötnariŋ qakŋe qahö kinda ahakzini, mi pakpak mönö ŋiŋgisöndok akza. Miangöra kunŋan nene kungöra uruyahöt aka töndup mi neza ewö, yaŋön mönö mewö ŋiŋgisöndok akŋa. Mötnariŋ qakŋe qahö kinda nezawaŋgöra Anutunöŋ mönö yaŋgö keuŋi jim teköi qaköba lömböt miwikŋaima. Mewö.

**Mönö Kraistkö mötmötji wuatangöba malme.**

**15** <sup>1</sup>Mötnaripninan köhöikji akzawi, nejon mönö naninangörök laj sönngaiba nanini imbi-imbi malbinbuk. Tosatji yengö mötnaripninan lölöwöröni aiga tötöpinpinöni köna ongita törörök qahö wuatangömakzei, nejon i urukalem ak engiba lömbötjini bisimegö bauköm engibin. <sup>2</sup>Nini mohot mohot mönö alaurup-ninan ölöwakjeangö dop mötmöriba ak engimakin. Mewö ak engiba urujini möhamgögetka köhököhöi miwiknaime. <sup>3</sup>Kraistnöni mewöyök nanjangörök nanji imbi-imbi qahö sönngaiba ahökmö, Buja keu kiangö dop ak wangigetka malök, “Ambazip keu töhörej jiba gi jim gihimakzei, yengö keujinan mönö nunguiga sihimbölöni mörakzal.” Keu mewö ahöza.

<sup>4</sup>Anutunöni nengöra sihimji kewö mörakza: Nejon kapañ köla köhöiba kinda Buja Kimbi oyoñninga urunini nangöiga mewö miañon jörömqöröm aka malbin. Miañgöra Buja keu pakpak mönöwök ohogeri, Anutunöni mönö miañgö dop kusum nengimangö mötza. Miañgöra mi ohoget ahöza. <sup>5</sup>Anutunöni mönö nanjak urujini nangöiga ölop kapañ köla kin köhöime. Yañon mönö Uñari engiiga inahöm engiiga sutjine uru jöhöjöhö aka Kraist Jisösgö mötmötji wuatangöba malme.

<sup>6</sup>Mewö mala ölop urumohot qakje numbuñini mindiriba Anutu, Kembunini Jisös Kraistkö Iwiñi mi möpöseiba malme. Anutunöni enjon mewö aka malmegöra mörakza. Mewö.

**Ölöwak Bujanöni kantri tosatje anda kayök.**

<sup>7</sup>Kraistnöni injini möt angön köla köyan köni engimakzawi, miañgö dop injini mönö mewöyök köyan köni anguba malme. Anutugö qetbuñan sehimapköra mönö mewö aka malme. <sup>8</sup>Nöñon keu ölni ki jimam: Anutunöni keuñi keuñi Juda könagesö nengö bömönurupnini yengöra jiba jöhöyöhi, miañon ölnambuk akñapköra mörök. Miañgöra Kraist melaiiga Anutugö Buja keu ölnan köhöimapköra aka Juda nengö sutnine eta welen qem nengiba malök. <sup>9</sup>Juda nini welen qem nengiba malökmö, kantri tosatji nejon mewöyök yangö ak-kömukömuñi möta miañgöra Anutu möpöseiba malje. Miañgö keuñi mi Buja Kimbinöni kewö ohoget ahöza,

“Miañgöra nöñon kantri tosatji yengö sutjine mala möpöseim gihiba qetbuñagan sehimapköra liñet kölakñam.”

<sup>10</sup><sup>m</sup>Miañgö keuñi kun mi kewö jiba ohoget ahöza,

“Anutunöni Juda nini möwölöhöm nengiiga könagesöni aka sönngaimakzin. Kantri tosatji injini mönö nembuk toroqeba sönngaiba köirañ ala malme.”

<sup>k</sup> 15.3 Sum 69.9 <sup>l</sup> 15.9 2 Sml 22.50; Sum 18.49 <sup>m</sup> 15.10 Dut 32.43

<sup>11</sup> <sup>n</sup>Miaŋgö keuŋi kun mi kewö,

“Kian kantrigö kambu pakpak iŋini mönö Kembu möpöseiba malme. Gölme dop maljei, iŋini mönö körek ‘Anutu saiwap!’ jiba liŋet köla malme.”

<sup>12</sup> <sup>o</sup>Kezapqetok azi Aisaia yaŋön mewöyök miaŋgö keuŋi kewö jii ahöza,  
“Azi qetŋi Jesi yaŋgö andöjalöŋan mönö sötŋi jula wahöta ambazip gölme dop galöm köl eŋgima.

Mewö ak eŋgiiga jörömqörömqöŋi yaŋgöreŋ ala bauköm eŋgimapköra mamböta malme.”

Keu walŋi miaŋön mönö nalö kewöŋe öljambuk ahakza.

<sup>13</sup> Uŋa Töröŋaŋgö ösumŋan mönö naŋgöm eŋgiiga jöröm-qörömqöŋin köhöiba pöwöwöm akŋapköra mötzal. Miaŋgöra jörömqöröm Tonŋi Anutu yaŋön mönö luai qem eŋgiba söstöŋgai pakpak miaŋön uruŋini kokolak qema. Mewö köuluköbiga ölöp Anutu möt narim waŋgiba oyaenköyaen akingö mamböta malme. Mewö.

### Keu köhöikŋi mi denöwögöra ohozal?

<sup>14</sup> O urumelenŋ alaurupni, nanak eŋgöra kewö möt köhöizal: Iŋini mönö tönpin qahö maljemö, Anutunöŋ yuai pakpak ölöŋŋi uruŋine ali kokolak qeiga mötmöt könaŋi könaŋi miwikŋaiba miaŋön ölöp goro qeba kusum aŋgubinaŋgö dop akze. <sup>15</sup> Mewö akzemö, töndup keu mi ölüm eŋgubapuköra möta miengö könaŋini mi kunbuk köl gulim eŋgizal. Anutunöŋ kalem möriam niŋgiiga miaŋgö qakŋe kinjalangöra mönö awösamkakak qakŋe keu köhöikŋi tosatŋi ohom eŋgizal.

<sup>16</sup> Miaŋgö könaŋi kewö: Anutunöŋ kian kantri eŋön uruŋini melengetka Uŋa Töröŋan mem sarahim eŋgimapköra mörakza. Mutuk jöwöwöl ohogetka köwakŋan öŋgöi Anutunöŋ söŋgaizapma, miaŋgö dop nalö kewöŋe Anutunöŋ ambazip gölme dop buŋaŋi aketka eŋgeka söŋgaimamgöra awöwengömakza. Miaŋgöra Ölöwak Buŋaŋi kantri tosatŋi yeŋgö sutŋine jim sehimamgö jiba nupŋi qakne aliga miaŋgö dop urugö nup galöm aka Kraist Jisösgö welenŋi qemakzal.

<sup>17</sup> Miaŋgöra Kraist Jisösbuk qekötahöba kinda Anutugö nupŋi membiga qetbuŋa niŋgiiga sileni memba öŋgöba awösamkakak kinjal. <sup>18</sup> Kraistnöŋ kantri tosatŋi yeŋön Anutugö jitŋi tem kölmegöra möta sölölohöba kuŋgum niŋgimakzawi, miaŋön mönö nam köl niŋgiiga keuni jiba ahakmemeni ahakzal. Keu tosatŋi laŋ jim sehisehigö awösamkakakŋi mi qahö ahöm niŋgiza.

<sup>19</sup> Uŋa Töröŋaŋgö ösumŋan mönö nam köl niŋgiiga aŋgöletot aiwesök kukösumŋinambuk asuhuget. Nöŋön Jerusalem siti mosöta kantriŋi kantriŋi liliköba anda mala mala Yuropkö siti qetŋi Ilirikum miaŋgöreŋ

<sup>n</sup> 15.11 Sum 117.1   ° 15.12 Ais 11.10



anġoral. Mewö gölme dop liliköba Kraistkö Ölöwak Buja mi jim asarim enġim teköyal. <sup>20</sup>Kunöñ tandö kuñguiga kunjan kaba nanji mirinji miañgö qakñe memba mönö keuñambuk akña. Miañgö dop kunöñ Kraistkö keujan mötnaripkö tandö lök kuñgui kinöhi, nöñön mönö kaba yanġö tandö qakñe töndangöba kinda uruñini toroqeba möhamgöba mem köhöim enġimamgö tököba malal. Urugö nup mutukñi memba miañön aködamuni miwikñaimamgö kapañ köla malal. Miañgöra ambazip denike yeñön Kraistkö qetñi qahö möta tönpin malgeri, nöñön Ölöwak Buja yeñgöra jim asarimamgö awöweñgöba malal. <sup>21</sup><sup>p</sup>Miañgö keuñi Buja Kimbinöñ kewö ohoget ahöza,

“Denike yeñön keuñi qahö jiget mötkeri, yeñön mönö mala i ekñe.

Denike yeñön könaji mutuk qahö möta tönpin malgeri,  
yeñön mönö mala mi möt asarime.”

<sup>22</sup><sup>q</sup>Nup mewöñan jöhöm niñgiyöhanġöra mönö nalö dop enġörej kamamgö osiba malal. Mewö.

#### **Polnöñ Rom anmamgö areñi alök.**

<sup>23</sup>Mewö malalmö, liliköba urukuñgukuñgu nup mutukñi memba gölme pakpak möt enġizini, miañgörej mi mem teköba malal. Urugö nup mutukñi memamamgö gölmeñi mi nalö kewöñe kunbuk qahö ahöza. Mewöyök inñi enġekñamgö sihimñi möta malbiga yambu (yara) gwötpuk lök teköyök. <sup>24</sup>Miañgöra kantri qetñi Spein anmami, miañgö könaje mönö enġörej kamamgö areñi ala enġekñamgö jörömqröm aka kewö mötzal: Enġeka embuk sösongai aka borom kun köisirik tatpiga bauköm niñgigetka ölop köna toroqeba Spein anmam.

<sup>25</sup><sup>r</sup>Mewö mötzalmö, nalö kewöñe Jerusalem sitigö könagesö sarakñi nanġöm enġibingöra miañgörej anmam. Miañgörej andagun enġörej kamam. <sup>26</sup>Masedonia aka Akaia prowins yahöt mietkö urumelen könagesö kambuñi kambuñi yeñön mönö Jerusalem sitigö ambazip sarakñi bauköm enġibingö keu jöhöget. Anutugö ambazip sarakñi wanapñi maljei, mönö yeñgöra keu jöhöba naluk gwötpuk ketañi ala mindirigetka mi membagan anda enġimam.

<sup>27</sup><sup>s</sup>Mewö akingö uru sösongai möta keu jöhöba mindimindiri naluk ketañi mi alget. Mewö almegö tosa ahöm enġiiga algetka ölna dop kölja. Anutunöñ Juda könagesö kötuetsköm nenġimamgö keuñi jii ahöiga kötumötuet miañön kian kantriñi kantriñi dop köla qakñine öngöi malje. Miañgöra kian kantri yeñgörej tosa ahöiga likepñi melenja kalemñinan Juda könagesögö wanapñi bauköm enġigetka dop kölja. <sup>28</sup>Nöñön kalem mi memba anda böröñine albi nupni miañön teköiga miañgö andöñe enġömosöta kusukñanök enġörej kaba enġekagun toroqeba

<sup>p</sup> 15.21 Ais 52.15    <sup>q</sup> 15.22 Rom 1.13    <sup>r</sup> 15.25-26 1 Kor 16.1-4    <sup>s</sup> 15.27 1 Kor 9.11

Spein anmam. <sup>29</sup>Engörej kamami, nalö miangörej mönö Kraistkö kötümütuetni mi körek memba kaba engimam. Mewö möt yaközal.

<sup>30</sup>O urumelen alaurupni, nöjön Kembu Jisös Kraistpuk qekötahöba kinda kewö uru kungum engizal: Uña Töröñan jöpaköba nangömi engimakzawangö dop mönö nöngöra Anutu köuluköba malme. Aum-mörimakzali, miangörej mönö uruka-lemñinan bauköm niñgiba malme.

<sup>31</sup>Judia prowinsnöj anda ambazip Kraistköra yangiseñ ahakzei, yengö böröñine gebileñbuköra mönö Anutugö köulukögetka sel jöhöm niñgibawak. Mewöyök naluk kalem ketañi memba Jerusalem anda ambazip sarakñi yengö böröñine albiga dop köli sihimñi mötmegöra mönö köuluköba malme. <sup>32</sup>Mewö köulukö-getka Anutunöñ sihimñi mötza ewö, nöjön mönö sösöñgai qakñe engörej kaba embuk köisirik tata körö-ölöwak qem niñgigetka malmam. <sup>33</sup>Luai Tonji Anutu yangön mönö körek embuk kinma. Keu mi ölna.

#### Yaizözkök keu teteköñi

**16** <sup>1</sup>Alanini Fibi (Foibe) yangön Senkria urumelen könagesögö nup meme ambia akza. Yangön Rom engörej kamawi, i köyan kölmegöra mönö qesim engiba böröñine aljal. <sup>2</sup>Yangön ambazip gwötpuk aka ni mewöyök bauköm neñgiba malök. Miangöra Anutugö ambazip sarakñan alaurupnini köi öröm engimakzini, miangö dop Fabinöñ kaiga i mönö Kembugö qetñe köuluköba köi öröm wangime. Engörej kaba yuai kungöra osibawak, miangörej mönö bauköm wangime.

<sup>3</sup>Awanömyahöt Prisila aka Aqila Kraist Jisösbuk kinjahori, neñakyahötni yetköra mönö nöngörej yaizözkökni jigetka mötmahot.

<sup>4</sup>Yetkö mönö nöngöra aka malmalñiri köleñda kömumbitkö ahot. Nöñönök qahö möpöseim etkizalmö, kantri tosatñe urumelen könagesö kambuñi kambuñi yangön mönö mewöyök yetköra saiwap jimakze.

<sup>5</sup>Urumelen könagesö miriñire tokomakzei, yangöra mewöyök mönö nöngö yaizözkökni jigetka mötme. Eisia prowinsnöj nup membiga ölni mutukñan asuhuiga Epainetus yangön uruñi meleñda Kraistkö buña ahöhi, wölböt alani yangöra mönö nöngörej yaizözkökni jigetka mötma. <sup>6</sup>Marianöñ engöra aka nup ketañi memba malöhi, yangöra mönö nöngörej yaizözkökni jigetka mötma. <sup>7</sup>Andronikus aka Junias tinitosolomyahötni yetkö mutuk Kraistkörej qekötahöyohotka nöjön yetkö andöñire uruni meleñbiga miangö andöñe nömbuk kösö mire malin. Aposol yangön yetköra mötketka sutñine öngöñgöñi akzahot. Yetköra mönö nöngörej yaizözkökni jigetka mötmahot.

<sup>8</sup>Wölböt alani Ampliatus Kembubuk kinjawi, yangöra mönö nöngörej yaizözkökni jigetka mötma. <sup>9</sup>Neñaknini Urbanus Kraistpuk kinjawi

<sup>1</sup> 16.3 Apo 18.2

aka wölböt alani Stakis yetköra mönö nöngörej yaizözköknj jigetka mötmahot. <sup>10</sup>Apeles Anutunöj esapesap wanggiiga dop köli Kraistpuk qekötahöba kinjawi, yangöra mönö nöngö yaizözköknj jigetka mötma. Aristobulusbuk miri mohot maljei, yengöra mönö nöngörej yaizözköknj jigetka mötme. <sup>11</sup>Tinitosolomni Herodion yangöra mönö nöngörej yaizözköknj jigetka mötma. Narsisusbuk Kembu qekötahöba miri mohot maljei, yengöra mönö nöngörej yaizözköknj jigetka mötme.

<sup>12</sup>Trifina aka Trifosa ambi yahöt mietkön nup ketanji memba Kembubuk kinjahori, yetköra mönö nöngörej yaizözköknj jigetka mötmahot. Wölböt ambi alani Persis yanön Kembangöra nup keta bölökñi memba maljawi, yangöra mönö nöngörej yaizözköknj jigetka mötma. <sup>13</sup>“Rufus yanön Kembangö nupñi ölop kötökñi memakzawi aka yangö namñi nalö dop ni tok nahönñi ewö köyan köl niñgiba malöhi, yetköra mönö nöngörej yaizözköknj jigetka mötmahot.

<sup>14</sup>Asinkritus, Flegon, Hermes, Patrobas, Hermas aka urumelej alaurup tosatñi yembuk maljei, yengöra mönö nöngö yaizözköknj jigetka mötme. <sup>15</sup>Filologus, Julia, Nereus nenñambuk aka Olimp as aka ambazip sarakñi tosatñi pakpak yembuk maljei, yengöra mönö nöngörej yaizözköknj jigetka mötme.

<sup>16</sup>Urumelej alaurup sutñine mönö angum anguba nemböñini suhuba jölöñini jiba malme. Kraistkö urumelej könagesö pakpak yenön mönö yaizözköknj algetka engörej kaza. Mewö.

### Qambañ keu teteköñi

<sup>17</sup>O urumelej alaurupni, nöñön uruñini kewö kuñguba jizal: Ambazip tosatñan uru mendenmenden asuhumapkö nam kölakzei, yengöra mönö je galöm mem anguba malme. Urumohotkö silik ölopñi kusum engigetka mötzemö, keu mi qetala kösawörañ keu tosatñi miañön uruñini kuñgugetka bölli qaköba erakze. Ambazip mewöñi mi mönö engömosöta tikep malme. <sup>18</sup>Ambazip mewöñan mönö nanini Kembunini Kraistkö nupñi qahö memakzemö, nanñini sihimñinangö dop asuhumapköra tuaköpek jiba nanñini welen qem angumakze. Kelök keu ölopñi ölopñi nahömñambuk jiba ambazip geñmonñini qahö yengö uruñini kuñguba tilipköm engimakze.

<sup>19</sup>Iñini Ölöwak Buña tem köla wuatangömakzei, keu mi körek neñgö kezapnine geiga mötzin. Miañgöra nöñön engöra aka önöñi qahö söñgaimakzal. Mewö akzalmö, iñini kewö aka malmegöra mötzal: Mönö bölöñi akingö mötkutukutuñini mosötketka etma. Ölopñi akingö mötkutukutuñini mi mönö pöndañ köl guliba mem qarime. <sup>20</sup>Luai Tonji Anutu yanön mönö Satan ösumok töjöhöhöi engö bapñine eri köirañ köla söñgaiba malme.

<sup>u</sup> 16.13 Mak 15.21

Kembunini Jisösgö kalem möriamñan mönö embuk ahöma.

<sup>21</sup> \*Nöngö neñakni Timoti yañön mönö yaizözkökñi ali engörej kaza. Nöngö tinitosolomurupni Lusius, Jeison aka Sosipater yañön mewöyök yaizözkökñini algetka engörej kaza.

<sup>22</sup> Tertius nöñön Polgö keuñi möta kimbi ki ohozali, nöñön mewöyök Kembubuk kinda yaizözkökni albica engörej kaza.

<sup>23</sup> \*Gaiusnöñ miriñi jim teköi malbiga urumelen könagesö pakpak yañön mewöyök ki kaba tokogetka nene köisirik al neñgimawkawi, yañön mönö yaizözkökñi aliga engörej kaza. Erastus yañön siti pomñangö ofis uruñe takis moner galöm kölakzawi aka urumelen alanini Qartus yetkөн mönö yaizözkökñiri alohotka engörej kaza. <sup>24</sup> Kembunini Jisös Kraistkö kalem möriamñan mönö embuk ahöma. Keu mi öñña.

### **Kembu möpöseiba kewö köulukömakzal:**

<sup>25</sup> Ölöwak Buña keu öñña mi möpñangö möpñeyök mala kotketka miangörej tölapñe ahöyök. Mewö ahöiga Jisösnöñ eta indela jim asariiga möta jim sehimakzal. Buña keu miangö dop Anutunöñ mönö köhöiba mötnaripñini mem köhöiiga ölop zeñ kin köhöime. Miangöra neñön mönö Anutugö qetbuñani möpöseininga sehimakña.

<sup>26</sup> Mutuk Buña keu öññan asa-asambötñe ahöba korökmö, nalö kewöñe kezapqetok ambazip kulem ohoget ahözawañgö dop mönö aukñe asuhuyök. Anutunöñ nalö dop mala kota teteköñi qahö mal öñgömawi, yañön ambazip kambuñi kambuñi neñön urunini meleñda Buña keu möt nariba tem köla malbingöra mötza. Miangöra nup kewö membingö jim kutum neñgiyök, “Iñini mönö anda gölme dop liliköba Buña keu jim asariba malme.” Keu miangö dop neñön Buña keu mi ambazip kambu pakpak mötmegöra jim asariba malin.

<sup>27</sup> Anutu nanñök mötkutukutu Toñi akzawi, neñön mönö Jisös Kraistkö qetñe yañgö qetbuñani möpöseininga nalö teteköñi qahö aködamunñambuk ahöm öñgöba ahöma. Keu mi öñña.

---

† 16.21 Apo 16.1    \* 16.23 Apo 19.29; 1 Kor 1.14; 2 Tim 4.20